

毛惕園居士纂述

太上感應篇·文昌帝君陰騭文  
關聖帝君覺世真經·孚佑帝君心經

# 三聖經淺解



毛惕園居士纂述

三聖經淺解

# 印光大師嘉言節錄

因果一法，乃世出世間聖人，烹凡煉聖之大冶洪爐。若最初不以因果是究，則通宗通教之後，尙或有錯因果之事，因果一錯，則墮落有分，超昇無由矣。且勿謂此理淺近而忽之，如來成正覺，衆生墮三途，皆不出因果之外。而凡夫心量小，凡經中所說大因果處，或領會不及，當以世間淺近者，爲入勝之方便，如太上感應篇，文昌陰騭文等，俾熟讀而詳審以行之，則人人可以爲良民，人人可以了生死矣。

日誦經咒選錄序云：修持次序，當以信願念佛爲正行，萬善莊嚴爲助修。因附錄感應篇、陰騭文、覺世經，及淨土修持各開示，以爲改過遷善，趨吉避凶，超凡入聖，了生脫死之規矩準繩。庶可現生卽出三界六道之外，直入七寶九蓮之中。願諸修士，同加注意！

## 三聖經淺解序

人性本善，無分男女，天下都是善人，因不知何爲善惡，致誤作惡事之人甚多，如誤傳天生萬物以養人，人皆誤造殺生食肉之大惡。或隨環境轉移，近善卽善，近惡卽惡，故純善純惡之人少，而混造善惡二業之人多，所感召之報應，亦禍福混雜，或富貴而病夭，或貧賤而壽康，或享福壽而升天道，天福享盡，仍須墮落；或受災禍而墮地獄，極苦受盡，又墮餓鬼畜生，受苦無窮。縱得爲人，仍誤造業，隨業受報，輪迴六道，永無出期，此皆因果循環，報應不爽，曷勝危懼！佛爲救度衆生，將殺生列爲五戒十惡之首，普勸持齋戒殺，念佛誦經，諸惡莫作，衆善奉行，福慧雙修，皆共成佛，所說戒律甚詳，但非受具戒之僧尼，不得傳授奉行。古之聖人，各垂言教，勉人遵行，以復其本性之善，但以文言浩瀚，散見於四書

五經各書，不以類聚，頗難取法，而未多讀書之人，更無從奉爲典型也。

查道藏中，有太上感應篇，與文昌帝君陰騭文，關聖帝君覺世真經，皆撮取福善禍淫之至理，列舉衆善諸惡之細目，何者爲善，何者爲惡，行善得何善報，作惡得何惡報，皆洞悉因果根源，明白開示，使皆勇於行善以求福，不敢再自作惡以召禍。謹合訂爲三聖經，普勸遵行，若能家喻戶曉，人手一編，並世代相傳，各自信受奉行，改惡行善，則天下皆善人，子孝孫賢，禍滅福臻，干戈永息，世界和平，鬼畜漸少，地獄漸空，此三聖經之有益於人甚大，誠求富貴福壽之捷徑，救世傳家之寶訓也。惟感應篇與陰騭文，皆文簡義豐，註解雖多，尤文富義繁，非博學之士，亦難了解。覺世經更精簡淺近，故迄無註解。茲爲自救救人，不揣庸愚，謹節取各註解之要義，易爲三聖經淺解，期皆知而能行，當下受益，命可改造，相隨心轉，福由自召，壽亦自求，而天下皆爲福壽康樂之人矣。

雖奉行感應篇，僅得轉禍爲福，成仙升天之果，而陰騭文與覺世經，兼勸持齋戒殺，拜佛念經，廣行三教，報答四恩，以種信佛之因，只要念佛回向，轉善業爲淨業，必得生西成佛之果。印光大師皆選附於日誦經咒選錄，以爲改過遷善，趨吉避凶，超凡入聖，了生脫死之規矩準繩。普願三教道長，及中外男女同胞，皆發成佛度生之大菩提心，以此諸惡莫作，衆善奉行爲助行，只要常存好心，說好話，做好事，力能行者，認真實行，不能行者，亦應發此善心，或勸有力者行之；而以專念南無阿彌陀佛，兼念觀世音菩薩爲正行，正助雙修，求生淨土，定蒙佛與菩薩攝受接引，現享百福千祥，人天福報，死卽往生西方極樂世界，見佛聞法，超凡入聖，了脫生死輪迴，圓成無上佛果，曷勝慶幸！並願有財力智力之大德，或廣印普贈，流傳中外，或到處講演，俾共了解，廣度衆生，功德無量！至於淨土宗念佛方法，請參閱拙輯佛說阿彌陀經今譯淺解，法華經觀世音菩

薩普門品今譯淺解，楞嚴經大勢至菩薩念佛圓通章今譯淺解，及念佛三要，念佛法要，下手易而成功高，用力少而得效速，幸勿以簡易而忽之！

中華民國七十六年端午節湖北通城惕園毛凌雲謹序於臺北時年七十有八歲

# 三聖經淺解目錄

三聖經淺解序	一
太上感應篇	一
太上感應篇淺解	九
文昌帝君陰騭文	五三
文昌帝君陰騭文淺解	五七
關聖帝君覺世真經	八三
關聖帝君覺世真經淺解	八七



# 太上感應篇

太上曰。禍福無門。惟人自召。善惡之報。如影隨形。是以  
天地有司過之神。依人去聲所犯輕重。以奪人算。算減則貧  
耗。多逢憂患。人皆惡之。刑禍隨之。吉慶避之。惡星災之。  
算盡則死。又有三台北斗神君。在人頭上。錄人罪惡。奪  
其紀算。又有三尸神。在人身中。每到庚申日。輒上詣天  
曹。言人罪過。月晦之日。竈神亦然。凡人有過。大則奪紀。  
小則奪算。其過大小。有數百事。欲求長生者。先須避之。

是道則進。非道則退。不履邪徑。不欺暗室。積德累功。慈心於物。忠孝友悌。正己化人。矜孤恤寡。敬老懷幼。昆蟲草木。猶不可傷。宜憫人之凶。入聲樂人之善。濟人之急。救人之危。見人之得。如己之得。見人之失。如己之失。不彰人短。不銜己長。遏惡揚善。推多取少。受辱不怨。受寵若驚。施恩不求報。與人不追悔。所謂善人。人皆敬之。天道佑之。福祿隨之。衆邪遠之。神靈衛之。所作必成。神仙可冀。欲求天仙者。當立一千三百善。欲求地仙者。當立三百善。苟或非義而動。音佩背理而行。以惡為能。忍作殘害。陰賊

良善。暗侮君親。慢其先生。叛其所事。誑諸無識。謗諸同  
學。虛誣詐偽。攻訐宗親。剛強不仁。狠戾自用。是非不當。  
向背乖宜。虐下取功。諂上希旨。受恩不感。念怨不休。輕  
蔑天民。擾亂國政。賞及非義。刑及無辜。殺人取財。傾人  
取位。誅降戮服。貶正排賢。凌孤逼寡。棄法受賂。以直為  
曲。以曲為直。入輕為重。見殺加怒。知過不改。見善不為。  
自罪引他。壅塞方術。訛謗聖賢。侵凌道德。射飛逐走。發  
蟄驚棲。填穴覆巢。傷胎破卵。願人有失。毀人成功。危人  
自安。減人自益。以惡易好。以私廢公。竊人之能。蔽人之

善。形人之醜。訐人之私。耗人貨財。離人骨肉。侵人所愛。助人為非。逞志作威。辱人求勝。敗人苗稼。破人婚姻。苟富而驕。苟免無恥。認恩推過。嫁禍賣惡。沽買虛譽。包貯險心。挫人所長。護己所短。乘威迫脅。縱暴殺傷。無故剪裁。非禮烹宰。散棄五穀。勞擾衆生。破人之家。取其財寶。決水放火。以害民居。紊亂規模。以敗人功。損人器物。以窮人用。見他榮貴。願他流貶。見他富有。願他破散。見他色美。起心私之。負他貨財。願他身死。干求不遂。便生咒恨。見他失便。便說他過。見他體相不具。而笑之。見他才

能可稱而抑之。埋<sub>去聲</sub>盡<sub>去聲</sub>厭人。用藥殺樹。恚怒師傅。抵觸父  
兄。強<sub>上聲</sub>取強<sub>上聲</sub>求好。侵好奪。擄掠致富。巧詐求遷。賞罰不平。  
逸樂過節。苛虐其下。恐嚇於他。怨天尤人。呵風罵雨。鬪  
合爭訟。妄逐朋黨。用妻妾語。違父母訓。得新忘故。口是  
心非。貪冒於財。欺罔其上。造作惡語。讒毀平人。毀人稱  
直。罵神稱正。棄順效逆。背親向疏。指天地以證鄙懷。引  
神明而鑑猥事。施與後悔。假借不還。分外營求。力上施  
設。淫慾過度。心毒貌慈。穢食餒人。左道惑衆。短尺狹度。  
輕稱小斗。以偽雜真。採取姦利。壓良為賤。謾驀愚人。貪

婪無厭。咒詛求直。嗜酒悖亂。骨肉紛爭。男不忠良。女不  
柔順。不和其室。不敬其夫。每好矜誇。去聲常行妒忌。無行於  
妻子。失禮於舅姑。輕慢先靈。違逆上命。作為無益。懷挾  
外心。自咒咒他。偏憎偏愛。越井越竈。跳食跳人。損子墮  
胎。行多隱僻。晦臘歌舞。朔旦號怒。平聲對北涕唾及溺。對竈  
吟咏及哭。又以竈火燒香。穢柴作食。夜起裸露。八節行  
刑。唾流星。指虹霓。輒指三光。久視日月。春月燎獵。對北  
惡罵。無故殺龜打蛇。如是等罪。司命隨其輕重。奪其紀  
算。算盡則死。死有餘責。乃殃及子孫。又諸橫取人財者。

乃計其妻子家口以當之。漸至死喪。若不死喪。則有水  
火盜賊。遺亡器物。疾病口舌諸事。以當妄取之值。又枉  
殺人者。是易刀兵而相殺也。取非義之財者。譬如漏脯  
救飢。鳩酒止渴。非不暫飽。死亦及之。夫心起於善。善雖  
未為。而吉神已隨之。或心起於惡。惡雖未為。而凶神已  
隨之。其有曾行惡事。後自改悔。諸惡莫作。衆善奉行。久  
久必獲吉慶。所謂轉禍為福也。故吉人語善。視善。行善。  
一日有三善。三年天必降之福。凶人語惡。視惡。行惡。一  
日有三惡。三年天必降之禍。胡不勉而行之。

太極真人讚

天	久	行	受	日	太
神	行	之	持	誦	上
恭	不	一	一	一	垂
敬	怠	年	月	遍	訓
名	壽	亡	福	滅	感
列	命	化	祿	罪	應
諸	綿	昇	彌	消	之
仙	延	天	堅	愆	篇



# 太上感應篇淺解

通城毛凌雲惕園纂述

太上、是太上老君，姓李名耳，號伯陽，得道成仙後，稱天立教，爲道教始祖，是上天至尊之聖。感應篇、是太上教人改惡行善之書，感是感召，應是報應，示人以善惡感召之因，必得天降禍福報應之果，有感必應，隨感隨應，以彰天道好還之理，而啓世人敬畏之心，知作惡必得災禍病天之惡報，卽心有所畏而不敢爲，知行善必得福壽天仙之善報，卽心有所求而必勇爲，故以感應名篇，誠最有益於人之聖經。古今註解甚多，惜皆精深，非博學之士，不能閱讀，惟直講一書，文甚淺顯，確能普益。爲求人皆澈底了解，信受奉行，獲益更大，謹節取直講及各註解之意，易爲淺解，期皆一目了然，卽共改惡行善，轉禍爲福，誠求富貴福壽之捷徑也。

太上曰。禍福無門。惟人自召。善惡之報。如影隨形。

太上說：人之禍福，本無一定的門路，只在各人自心和言行善惡之因，即感召天降禍福報應之果。如存好心，說好話，作好事，都是善業，即召善報之福；存壞心，說壞話，作壞事，都是惡業，即召惡報之禍。此善惡之因果報應，如影隨形，絲毫不爽。召即招來，這四句是一篇的綱領。是以天地有司過之神。依人所犯輕重。以奪人算。算減則貧耗。多逢憂患。人皆惡之。刑禍隨之。吉慶避之。惡星災之。算盡則死。

因爲人之一生，日夜時刻，上下四旁，都有神明鑒察。天有三官五帝，百神諸司，地有五嶽四瀆，城隍土地等司過之神，主管人之過惡，巡遊

查察，遇有過犯，即時錄奏定罪，依各人所犯過惡的輕重，以奪除人之壽算，人活百日叫一算，犯輕的少奪，犯重的多奪。壽算既已減少，還要罰他貧苦消耗，多遭憂愁患難，人皆厭惡，惡去聲。刑罰災禍，跟隨而來，吉祥喜慶，遠避而去，惡煞凶星，同降災殃，使壽算減盡即死，死有餘辜，隨業受報，墮入畜生餓鬼地獄，受苦無窮。此太上苦口先說惡報之果以垂誡。

**又有三台北斗神君在人頭上。錄人罪惡。奪其紀算。**

這是說人之一身，行住坐臥，又有星神鑒察。三台星神，掌管人之壽夭，北斗星君，掌管人之善惡，常在人之頭上盤旋，記錄各人所犯罪惡，依照他的輕重，奪除他的壽命，人壽十二年爲一紀，百日爲一算。

**又有三尸神在人身中。每到庚申日。輒上詣天曹。言人罪過。月晦之日。竈神亦然。**

這是說人之一心和一家，都有神明鑒察。庚申日、是天神決斷人善惡之日。又有三尸神，住在人的身中，凡心口意語，總是瞞不過他的，每到庚申日，就上到天帝的衙門，據實報告人之罪過。月晦之日，是陰曆每月的末一天，竈神也是一樣。竈神掌人一家的命，故號司令，凡一家男女之大小罪過，無微不察，每到月終，直奏上天，是一月一結算的。

## 凡人有過。大則奪紀。小則奪算。

這是總結上文，凡人的一生一身，一心一家，處處都有神明，如有大小罪過，難逃鑒察，過大的奪壽十二年，過小的奪壽百日，決定不爽。人到壽命被奪盡之時，萬般帶不去，只有業隨身，後悔就遲了。此明示神明糾察之密，罪罰之嚴，以先啓人敬畏之心，使皆諸惡莫作，衆善奉行。

## 其過大小。有數百事。欲求長生者。先須避之。

這是太上教人先從避過做起，這罪過惡業之大小，有幾百件事，就是篇中列舉自非義而動，到死亦及之的所有過惡。想求長生之人，先要避免這些過惡，必須諸惡莫作，曾經犯了的，要即痛改，不要再犯，未曾犯的，要即切戒，不要偶犯。前說奪壽，是教人知所警戒，今說長生，是教人知所欣慕，勇於改過行善，必得長生之善報，望各自勉！

## 是道則進。非道則退。不履邪徑。不欺暗室。

這一節到當立三百善，是太上列舉行善召福的大綱，先教人衆善奉行，即召福報。道如大路，順天理，合人心，坦平正直，即是道；逆天理，拂人心，荆棘險阻，即非道。篇中從不履邪徑，到與人不追悔，都是是道，即行善。從非義而動，到殺龜打蛇，都是非道，即作惡。凡要做一件事，先要想一想，是合道理的，即前進去做，不合道理的，即退避不做。則

、就是卽，這兩個則字，最喫緊著力，是非只在當念分辨，進退必須卽時決定，此處須下斬釘截鐵的手段，著不得一毫濡滯的心念，要時時省察，事事謹慎，這就是遷善避過的方法。履、是脚之所踏，與意之所及皆是。邪徑、是邪僻小路，卽非道，如賭場、妓院、舞廳、鴉片烟館等不正經的地方，都視爲邪徑，決定退避不去。欺、是欺瞞，暗室、是陰暗的房室，指人所不見不聞之處，也就是善惡纔分的界限。善人正心誠意，凡事做得真誠，絲毫不願欺人，遇著徇私舞弊，作奸犯科，與苟且的財色等事，雖沒人看見，可以欺瞞，而暗室虧心，神目如電，難逃禍罰，都要立定主意，決不肯做。這兩句是從避過中抽出最緊要的誠人，是做善人的開始。

**積德累功。慈心於物。忠孝友悌。正己化人。**

善心純熟就是德，善事真實就是功，從少到多爲積，從低增高爲累，

積德要像積錢，漸積漸多，累功要像築牆，漸築漸高。善人家富，凡遇一切善事，皆歡喜力行，委曲成就，要今日積一德，明日又積一德，今日累一功，明日又累一功；就是家貧，也能筆舌勸人，精力辦事，但發心要真要堅，用力要勤要久，纔能功德圓滿，感格天神，神仙可望。這句包括下文的衆善，是做善人的總要。慈爲萬善之本，慈心卽仁心。這物字、包含天地間的人與萬物，凡積德累功的善人，不但親親仁民，尤慈心及物，濟貧拔苦，戒殺放生，這是積德累功的本，做善人的根。更要爲臣盡忠，爲子盡孝，爲兄必友以愛弟，爲弟必悌以敬兄，這是天理之常，人倫之本，萬善之首。既已端正了自己；還要去勸化別人，共存善心，共作善事，功德最大。若又印送佛經善書，或格言因果，化人更多，善愈廣大。

矜孤恤寡。敬老懷幼。昆蟲草木。猶不可傷。

孤寡爲人生之不幸，貧窮更慘，性命難保，施恩最要在先。善人矜憫無父的孤兒，要盡力教養，成就他終身的事業；撫恤無夫的寡婦，要盡力保護，成就她一生的貞節。老幼爲人生所必歷，貧病更苦，存活不易。善人家富，應普設養老院、育嬰堂，使皆得尊養撫育。如善人家貧，也要敬老懷幼，量力照顧，使老安少樂。這都是仁民的急務。善人應戒殺護生，雖細小的昆蟲，無情的草木，也不可殺傷，這是愛物的終點。

## 宜憫人之凶。樂人之善。濟人之急。救人之危。

宜是應該，直貫到下面十六句與人不追悔。凶通兇，樂音洛。凶狠的人，常作惡召禍，善人應該憐憫他，勸化他，使卽改惡遷善，轉禍爲福。善良之人，常行善召福，善人應該爲他歡樂讚歎，鼓勵他，成就他，使更積極行善，後福無量。急是急切的需用，如有疾病，急需醫藥，死喪急需



殮葬，飢寒急需衣食，貧困急需錢財等類，善人應該慷慨解囊，方便周濟，以應急需。危是危險的災難，如水火刀兵，車禍空襲，大病冤獄，家破身危等類，善人應該各隨其力，方便救護，以解危難，使轉危爲安。

## 見人之得。如己之得。見人之失。如己之失。

善人應看見他人運氣好而得意時，就如自己得意一般，還要百般扶持。看見他人運氣不好而失意時，就如自己失意一般，還要多方救護。

## 不彰人短。不衒己長。遏惡揚善。推多取少。

善人應待人寬厚，自極謙虛，不彰揚別人的短處，還要極力隱瞞；不衒耀自己的長處，更要韜晦涵養，日新又新，然後可以成德。應阻遏人之爲惡，以免漸漸橫行，人將受其毒害。應讚揚人之行善，使更樂善不倦，

人皆受其導引。對於兄弟分產，或朋友交財，應推讓多的給人，自己拿取少的，讓人便宜，自甘吃虧，此待人從厚，故能知足常樂。

**受辱不怨。受寵若驚。施恩不求報。與人不追悔。**

善人應度量寬宏，雖受人侮辱，只責備自己德薄功淺，不能感人，更應積德累功，決不怨恨。凡受博士碩士，文官武官，及升遷獎賞等榮寵，雖皆分所應得，亦應知幾知足，有不克負荷，若驚若懼之意，只怕自己之德薄功淺，不能保守，更應大積功德，力圖報效，不敢有一刻的懈怠。善人應看得錢財事輕，救濟事重，布施給窮人的恩惠，決不求他報答，送與他人的財物，決不後悔，此皆出於惻隱之心，自無求報與追悔之念！

**所以善人。人皆敬之。天道佑之。福祿隨之。衆邪遠之。神**

## 靈衛之所作必成。神仙可冀。

此總結上文行善召福，報應不爽。把前說衆善，都能奉行，方爲善人。所以善人一生所行善事，下順人心，故世間的人，皆恭敬他，上合天理，故天道的神，都保佑他，使富壽康寧之福，與居官受職之祿，都跟隨他，不求自至。許多邪神厲鬼，都遠避他，不敢侵犯。聰明正直的神靈，都保衛他，冥冥中予以幫助，使他所作事業，必定成功，永垂不朽，名登天府，神仙還可冀望。天之報施善人，如此隆重，只要行善，有求必應。

欲求天仙者。當立一千三百善。欲求地仙者。當立三百善。

此明示求仙之法，只在積善，功行圓滿，超居洞天爲天仙，煉形住世

，長生不死爲地仙。立是積，想求天仙的人，應當積一千三百件善事，日行一善，只要四年。想求地仙的人，當積三百件善事，日行一善，只要一年，尅定數目期限，決定必成，使不退轉。這樣看來，行善召福，雖成仙也不難，何況世間的功名富貴，壽康兒女等事呢？果能積善，決定應驗。

## 苟或非義而動。背理而行。以惡爲能。忍作殘害。

這一節到死亦及之，是太上列舉作惡召禍的細目，戒人諸惡莫作，免遭惡報。苟或、是如果，非、是違反，殘害、是傷害。如果有人違反道義，而動惡念，違背天理，而行惡事，反以作惡爲能幹，忍作傷人害物之事。這是作惡的總綱，也是做惡人的起頭，與前是道則進二句正相反。

陰賊良善。暗侮君親。慢其先生。叛其所事。

君是國家元首，卽以前之皇帝，現在之總統，侮是欺瞞。對於忠厚良善之好人，應愛護薦揚，而反陰謀賊害。對於君王和父母親，應忠誠孝敬，一念無欺，反暗中瞞了君親，去做不忠不孝之事。對於傳道授業解惑的先生，應恭敬受教，而反輕慢，大失弟子事師之道。對於所應服事的長上，如吏役所事上官，士兵所事將帥，僕妾所事主人等，不能效忠，就是背叛。此皆罪大惡極，必遭惡報。

### 誑諸無識。謗諸同學。虛誣詐僞。攻訐宗親。

諸是許多，對於許多沒有知識，不明事理的人，不隨事開導，使趨吉避凶，反說假話來誑騙他，使誤信害事。對於許多同學的朋友，不勸善規過，反妄加毀謗，破壞他的名譽。對於宗族和親戚，應待以親愛忠誠，同患難，賑窮困，家醜互藏，外侮同禦，以睦宗親；反以虛僞誣陷，詐騙欺

偽，來指斥他的陰私和過失，加以攻擊。此皆無情無義，報應必慘。

**剛強不仁。狠戾自用。是非不當。向背乖宜。**

氣質剛暴強忍，待人接物，而不仁慈溫厚，性情兇狠暴戾，而好自用愚蠢，任性使氣，放膽亂做。對惡人，做惡事，反說他是，對善人，做善事，反說他非，是非既不允當；對惡人，宜遠避，反要心向他，對善人，宜親近，反要違背他，向背更不合宜，如此狂妄顛倒，必貽害終身。

**虐下取功。諂上希旨。受恩不感。念怨不休。**

如果做了官，竟施暴政，虐待在下的民，以貪取功賞。諂是奉承，希是迎合，更用巧計，奉承在上的長官，以迎合其意旨。殘民欺上，必遭慘禍。受人恩惠，不思感恩報德，竟忘恩負義。對於稍有不到之處，或有

仇怨之人，不思以德報怨，便要懷恨報復，念念不忘，不肯罷休。

**輕蔑天民。擾亂國政。賞及非義。刑及無辜。**

蔑音滅，是欺侮。還有惡人做了官，不愛民愛國，竟輕視並任意欺侮天下的人民，破壞社會的秩序，擾亂國家的政務。不賞善罰惡，以彰勸懲，竟獎賞到不義的惡人，縱惡養奸，刑罰到無辜的好人，使含冤受屈。

**殺人取財。傾人取位。誅降戮服。貶正排賢。凌孤逼寡。**

或故意殺人，奪取錢財，傾是陷害，或陷害他人，奪取官位。降平聲，誅戮都是殺，凡有賊寇，用兵出征，是萬不得已的事，若已投誠降服，反要殺他，大逆天理。或貶謫正直的官吏，到邊遠的地方，排擠賢良的僚僚，使失去官位。甚至欺凌孤兒，逼迫寡婦。此皆瀆職造孽，報應甚速。

棄法受賂。以直爲曲。以曲爲直。入輕爲重。見殺加怒。

如果做了法官，竟敢拋棄法律，受人賄賂，就任意顛倒是非，把理直的，變爲理曲，把理曲的，反爲理直，把應該判輕刑的，判爲重刑；看見被判死刑，臨殺頭時，不爲哀憐，反加瞋怒，殘忍至極，受報必慘。

知過不改。見善不爲。自罪引他。

過是無心的錯誤，比惡稍輕。善如前述積德累功等善事。明明知道自己的過失，不肯改悔。明明看見善事現前，不肯勇爲。甚至自己犯了罪，不肯承認，反牽引他人，希圖脫卸犯罪的責任，縱逃國法，難免天誅。

壅塞方術。訕謗聖賢。侵凌道德。



壅塞、是故意阻撓，方術、如醫卜星相，和一技一藝等類，不留心薦揚，而反壅塞阻撓，使不得行其方術，以養生濟世。若邪師庸醫，燒丹房術等類，害人性命，自應嚴禁。對於先聖先賢，不恭敬崇奉，竟敢任意毀謗，幸遇有道有德之人，不尊敬親近，而反侵犯欺凌，必墮地獄。

## 射飛逐走。發蟄驚棲。填穴覆巢。傷胎破卵。

或爲賣錢，或貪口腹，竟敢射殺飛禽，逐捕走獸。天冷時，蟲皆蟄伏於土，發掘定要僵死。天黑了，鳥皆棲宿於樹，驚擾必定駭亂。穴爲蟲蟻聚居之洞，填塞、卽斷生門，絕出路，滅其宗族。巢爲禽鳥依止生產之窠，覆是翻倒，覆巢之下，必無完卵。胎是胞，卵是蛋，物雖未生，內有生命，傷胎破卵，都是殺生。此皆必召互殺互食，及子孫衰絕之惡報。

願人有失。毀人成功。危人自安。滅人自益。以惡易好。以

## 私廢公。

常願人有失敗，而幸災樂禍；毀壞別人成功，使功敗垂成。與人同禍患，竟使人當其危險，只求自己安穩。與人共錢財，竟尅減別人，只圖自己的利益。惡是壞的，凡遇貨物交易，竟把壞的，暗中換了好的。私是私心，竟以私意之喜怒恩怨，廢棄公道之是非曲直。

## 竊人之能。蔽人之善。形人之醜。訐人之私。

甚至竊取他人的技能，據爲己有，隱蔽他人的善行，不使人知，形容他人的醜事，廣爲宣揚，揭發他人的陰私，普爲傳播。此皆大傷陰陽。

## 耗人貨財。離人骨肉。侵人所愛。助人爲非。

誘騙人家子弟，或愚癡之人，嫖賭浪費，消耗人之貨財，從中取利。挑撥離間，使人父子不和，兄弟鬪爭，或追債勒索，使人賣男鬻女，皆離人骨肉，滅盡天倫。侵奪人之所愛，如田地房屋，書籍玩好，器具衣飾等類，行同劫盜。幫助他人爲非作歹，共做壞事，成人之惡，比自做更凶。

## 逞志作威。辱人求勝。敗人苗稼。破人婚姻。

逞志卽任意，常任意自作威勢，甚至怒罵揮拳，侮辱他人，以求勝利。敗是毀壞，苗是初生的秧，稼是已秀實的稻，凡阻水利，決隄防，縱牲畜踐踏，以毀壞別人所種秧稻，使不得收成，以絕食糧，最犯天誅。破壞別人的婚姻，使不能及時婚嫁，或已結婚，被破生離，極爲慘毒。

## 苟富而驕。苟免無恥。認恩推過。嫁禍賣惡。

苟富、是苟且致富，如盤剝小民，僥倖得財，即驕傲自大，天道忌盈，禍豈能免。苟免、是不當免而倖免，如遇該刑該死之時，只要躲避得過，不顧法律道理，以求僥倖苟免，毫無羞恥。認恩、是把別人的恩，冒認爲自己所施以討好。推過、是把自己的過，反推在別人身上以卸責。嫁禍、是把自己的禍，轉移別人，如嫁女於人，人亦願娶。賣惡、是把自己的惡，卸給別人，如賣物於人，人亦願買。如此奸巧，大禍必速。

### 沽買虛譽。包貯險心。挫人所長。護己所短。

奸惡小人，或沽買虛假的名譽，使人讚揚，欺世盜名，極爲折福。或表面上裝出一幅和善的相，胸腔裏却包藏著陰險害人的心。常挫折別人所有的長處，使他不能舒展，掩護自己所有的短處，不知改悔。

### 乘威迫脅。縱暴殺傷。

甚至利用威勢，逼迫脅制，如做官的，嚴刑逼供，強服工役，催徵錢糧，急於星火，及富貴之家，逼淫婦女，逼賣田產，倚強索債，恃力催租等事，都是乘威迫脅。或放縱暴行，殺傷人命，將相吏民皆有，莫甚於用兵，恣行屠殺，其次折獄，濫及無辜。皆人怨天怒，召禍必慘。

## 無故剪裁。非禮烹宰。散棄五穀。勞擾衆生。

古時紡織機器，尙未發明，皆由蠶婦機女，萬縷千絲，方成布帛，非萬不得已，何忍剪裁？至於綾羅綢緞，爲千萬蠶命所成，更應珍惜，若無故剪裁，來做衣穿，也是罪過。烹是烹飪，凡爲養親祭祖待客，烹宰鷄鴨魚肉，禮所應該，若貪口腹，烹宰生靈，便是非禮，佛大慈悲，尤戒殺生，素食營養，自可養親祭祖，待客自食，何苦烹宰，造此冤孽？五穀、卽稻麥黍稷菽等五種糧食，民以食爲天，饑荒之歲，顆粒如珠，自應愛惜，

何忍散棄？或食其精而棄其粗，或因有多而棄其餘，或以飯食飼養禽鳥，或以菽麥餵養牲畜，皆是散棄五穀，暴殄天物，多遭雷打之禍；況人之祿，皆有定數，任意散棄，祿盡卽死。衆生、指一切人民，或求難得之貨物，或起無益之工作，竟敢勞擾人民，視同牛馬，而不愛惜，必觸天怒！

## 破人之家。取其財寶。決水放火。以害民居。

如貪官污吏，地痞流氓，破壞有錢人的家，奪取他的財寶；或決水沖毀，或放火焚燒，以毀害人民所居房屋，又害了人物性命，皆天地難容。

## 紊亂規模。以敗人功。損人器物。以窮人用。

紊就是亂，敗是破壞。凡做一事，先要策畫一個好規模，纔能做得成功，若紊亂他的規模，以破壞他人事業的成功。器物、如文人的筆墨，武

人的刀槍，農夫的犁鋤，工人的斧鑿，家用的器皿等類，若故意損壞，使他用時，無法使用，即以窮人用。此皆傷天理，壞良心，決不可爲。

**見他榮貴。願他流貶。見他富有。願他破散。**

流爲古代五刑之一，貶是降官，小人看見他人榮華貴顯，就願意他流放或貶謫到邊遠的地方去充軍。看見他家富足有餘，就願意他破家散財，完全花光。這種妒嫉的壞心，無損於人，徒自造惡業，自益貧賤。

**見他色美。起心私之。**

色是女色，私是私通，卽邪淫。看見他人妻女美麗，卽起淫心，想與私通。此念一起，雖無實事，已難逃神明禍罰。太上慈悲，特從最初一念，喚醒癡迷，免犯邪淫，更召惡報。古德語錄曰：「瞥遇豔色，心有所動

，急思司過之神，在我旁也，三台北斗，在我頭上也，三尸在身，竈神在戶，日月三光、千真萬聖在空，記錄者有之，怒視者有之，照臨森布者有之，欲搏擊者有之，如是而慄慄戰懼，自然心冷意滅。」願常誦爲要！

**負他貨財。願他身死。干求不遂。便生咒恨。**

當貧乏時，負欠他人之貨物錢財，以濟急用，不急圖償還，反願他身死，以滅其迹，此種存心，現生就是豺狼，來世難逃做狗馬償還之果報。凡有干懇求託於人之事，不能遂心如意，就發生咒罵怨恨，徒自咒耳。

**見他失便。便說他過。見他體相不具而笑之。見他才能可稱而抑之。**

看見他有失便而不得意之事，不同情幫助，就說是他平日的過惡，所



召惡報。見他體相不具，或四體殘缺，或形相醜陋，不哀矜保護，而反譏笑。見他才能可稱，不稱讚宣揚，而反阻抑。此皆口過之最大者也。

## 埋蠱厭人。用藥殺樹。恚怒師傅。抵觸父兄。

蠱音古，厭音掩。埋蠱、是刻木像人，書符咒在上，埋在地下，去魘魅人，此邪教害人之妖法，王法當斬，陰律更嚴。一草一木，皆是造物生意，況樹木年久者，多爲鬼神所棲，不可輕伐，若用毒藥殺樹，必得災禍。師傅是先生，前說慢其先生，是無禮，此說恚怒師傅，是因教責而恚恨憤怒，無禮已極。抵觸、是衝撞觸犯，凡語言行事之間，稍有不順，卽是抵觸，前說暗侮君親之惡深，抵觸父兄之罪顯，逆倫悖禮，天地不容。

## 強取強求。好侵好奪。擄掠致富。巧詐求遷。

強上聲，好去聲。凡財物是我本分所不該得的，而想必得，或強迫自取，或強求給與，或喜好侵佔，用詭計暗取，或好搶奪，用勢力明取；甚至官吏盤剝人民，私竊公帑，或豪強重利放債，強盜劫奪財物等類，皆是擄掠，雖致大富，必人怨天怒。或用奸巧詐僞，使乖弄假，以求升遷，官職雖升，大逆天理。如此得來之富貴，豈能安享？

## 賞罰不平。逸樂過節。苛弱其下。恐嚇於他。

若獎賞有功之人，或懲罰犯罪之人，失輕失重，就是不平，公道不存，人心不服，既無以獎功懲罪，反積怨招禍。安逸快樂，人所同欲，應有節制，不使過度，今人嗜酒不顧身，好色不顧病，貪財不顧親，使氣不顧命，此皆逸樂過節，常破家損壽。若做官酷弱吏民，居家過撻奴婢，皆苛弱其下；或虛張聲勢，恐嚇他人，使他害怕，落其騙局；都報應甚速。

## 怨天尤人。呵風罵雨。

天下不如意之事，常十有八九，到處都有缺陷，不自己德薄，而享受亦薄，反怨天則天愈怒，尤人則人愈恨，非徒無益，只自取禍。風雨都是天神職掌，風雨失時，皆人間造孽所致，呵風罵雨，徒增逆天之罪。

## 鬪合爭訟。妄逐朋黨。用妻妾語。違父母訓。

人有爭訟，應好言勸解，使大事化小，小事化無，兩家均受其福。若唆使鬪爭，撮合訴訟，以便從中漁利，此造孽虧心，業報甚重。妄是妄動，逐是隨逐，大如朝臣，分朋結黨，把持朝政，顯斥暗傾；小如常人，附社結義，引類呼朋，相爲羽翼；都是妄逐朋黨，必有大罪大禍。若參加建國救民之政黨，保國衛民，功德無量！妻妾之語，甘而易入，父母之訓，

正而難從，父母閱歷既多，見事必當，愛子又切，爲謀必周，自應遵奉；妻妾爲人內助，倘有善言，亦應聽從，若用妻妾語，違父母訓，此根本之罪，至於因寵妻妾，而逆父母，其罪更加一等，必召雷打橫禍。

**得新忘故。口是心非。貪冒於財。欺罔其上。**

故是舊，如朋情親誼，妻妾奴婢，皆有新舊，若得新忘舊，卽薄情寡恩。心口皆是君子，心口皆非是小人，口是心非，是假冒的君子，佛口蛇心，定是不忠不孝，不信不義之小人。欺罔卽欺瞞，因貪利而冒領錢財，竟欺瞞其君親長上，不忠不孝，縱令一時富貴，旋多破敗，子孫狼狽。

**造作惡語。讒毀平人。毀人稱直。罵神稱正。**

惡語卽壞話，人縱有過，亦當曲爲掩護，若本是平白無辜的好人，竟

編造惡語，捏作惡事，任意譏毀。並以毀謗好人，自稱直心，辱罵神祇，自稱正氣，肆無忌憚，惹禍不小。此大口惡，必死墮拔舌地獄。

**棄順效逆。背親向疏。指天地以證鄙懷。引神明而鑑猥事。**

君義臣忠，父慈子孝，兄愛弟敬，爲六順，順的反面就是逆，效是學，棄順效逆，自取其禍，試看古今叛逆之臣，忤逆之子，多身誅家滅。親是一家骨肉，疏是異姓親友，或因恩怨，或因勢利，竟背親向疏，如薄父母，厚妻家，兄弟爭財，交友慷慨，窮族不卹，反去結拜聯宗等類，此根本重罪，必得惡報。天地無私，神明正直，順吉逆凶，其應如響，小心敬畏，尚恐獲罪。愚人要表白無過，竟敢把卑鄙的心懷，指天地做見證；要堅牢期約，竟敢把猥褻的事情，請神明來鑑察；褻瀆至尊，自求速死。

## 施與後悔。假借不還。分外營求。力上施設。

施與、是濟急救危的好事，捨財作善，立功最速，必須樂善不倦，慷慨不吝，纔能大積陰功，若施與之後，又要懊悔，當不復施，爲善不終，卽已折斷善根。假借、是通有無，濟緩急的好事，借人器物，應加愛護，用畢卽還；借人錢財，更應清償，若據爲己有，久不肯還，死後當爲牛馬豬狗，以償宿債。人生富貴貧賤，皆由宿業，命裏註定，若癡心妄想，分外營求，不依本分，甚至力上施設，只要力之所能，卽盡意施威設法，不復少留餘地，勢不使盡不止，縱能如願，皆有損無益，徒自折福。

## 淫慾過度。心毒貌慈。穢食餒人。左道惑衆。

邪淫召禍，前已垂戒，至於夫婦正淫，更要節慾，因人身之精，散在

三焦，榮華百脈，及慾火一動，合聚流通，都從命門出來，淫慾過度，精絕身亡，卽縱慾殺身。若心意惡毒，已使人不可當，面貌慈和，又令人可近，竟肆其毒於不及防，必死墮惡道。穢食是污穢的食物，或造作不潔，或被蟲吃鼠咬，或天熱過夜，色味已變，或有農藥，或存久霉腐等類，都足以致病傷人。若以穢食出賣或給人吃，害人性命，必召天殃。左道是旁門，不是正道，或用妖法邪術，假託神道，妄言禍福，蠱惑愚民，小則騙錢淫污，大則倡亂國法，或用刑除，或用兵滅，現報難逃，冥報尤慘。

## 短尺狹度。輕秤小升。以偽雜真。採取姦利。

度、是計算長短的標準器具，就是尺。偽是假，採也是取，姦同奸。尺度秤升，必須公平，出入一樣。奸商竟敢大入小出，重入輕出，長入短出，賣出去時，私用短尺狹度，輕秤小升，還把假的貨物，雜在真的裏面

，甚至賣假藥，用假銀，採取奸詐的暴利，損人利己，必遭天殃。

## 壓良爲賤。謾驀愚人。貪婪無厭。咒詛求直。

用勢力壓迫良家子女，使爲卑賤之婢妾奴僕，報在子孫，若賣良爲娼，更罪重惡極。謾音瞞，是欺，驀音陌，是騙，欺騙愚人，使落圈套，愚人雖不能報，冥冥中自有代爲報應，愚人無損，而欺騙之人，必先受損。婪音藍，也是貪，貪得無厭，而不知足，勢必刻薄鄙吝，等到貪求數滿，終歸耗散，徒增禍孽。詛音阻，咒詛、如神前告狀發咒等類，我理如直，寬解自明，若咒詛求直，未免瞋恨，鬼神厭惡，反惹災禍。

嗜酒悖亂。骨肉忿爭。男不忠良。女不柔順。不和其室。不敬其夫。每好矜誇。常行妬忌。無行於妻子。失禮於舅姑。



悖、是違背情理，若嗜酒多飲，常在醉中，令人心粗膽壯，悖理亂性，殺盜淫妄，都無忌憚，取禍招殃，甚至喪身亡家，故佛列酒爲五戒之一，男女都應禁戒。骨肉、是比喻至親之人，如父子兄弟等，宜互相容忍，相處和睦，若忿怒爭吵，有傷天倫，必生禍端。古時夫以妻爲室，夫婦和而後家道昌，男不忠厚良善，不和其妻，甚至打罵瞋責，女不溫柔順，不敬其夫，甚至兇悍淫蕩。每好驕矜誇張，常行爭寵妬忌，此皆量淺福薄，甚致敗家絕嗣。待妻宜和而敬，或刻薄寡恩，或褻狎無禮，卽失唱隨之義；待子宜嚴而正，或護短太甚，或打罵太嚴，卽傷生育之恩；不義不慈，卽無行於妻子。舅姑是公婆，媳事公婆，猶如子事父母，禮應孝敬，不孝不敬，卽失禮於舅姑，從來子不孝父母，媳亦不孝公婆，媳之失禮，皆其子有以致之，罪惡通天，雷火立誅。

輕慢先靈。違逆上命。作爲無益。懷挾外心。

祖宗父母死後，他的陰靈常在，叫做先靈。凡殯殮無禮，居喪違制，安葬不速，齋祭不誠，拜掃不勤，祠堂不整，香火斷續，甚至出賣墳山祭田，祠堂祭器等，皆爲輕慢先靈。上、是在上的君王、父母、師長、長官、家主等類，命是命令，卽上對下之吩咐、指示、差喚等，凡一切在下的受命於上，皆爲上命，如奉行不力，尙且有罪，若不服指揮，不依教訓等，都是違逆上命。此皆不忠不孝，罪大惡極。世間萬事，轉頭卽空，惟有積德行善，興利除害等事，世世生生，隨身受用，無有窮盡，纔是有益之事。若做大屋，買良田，收古玩，備車馬等事，皆作爲無益，還喪志累身，至於煙酒嫖賭，演戲賽會等事，不但無益，而且有害。懷挾是暗藏，卽懷著，臣懷外心便欺君，子懷外心便逆親，妻懷外心便背夫，兄弟相賊，朋友相傾，皆外心所使，此心纔動，人雖不知，而鬼神已誅其心。

**自咒咒他。偏憎偏愛。越井越竈。跳食跳人。損子墮胎。**

凡心中怨恨，咒自己死，又咒他人死，或賭假咒欺人，報在速死。凡君臣父子、夫妻主僕，如有偏憎偏愛，必有奇禍，若嫡母偏憎庶子，後母偏憎前子，女性陰毒，冤報不休，家道破壞。并有泉神，竈有竈神，跨越井竈，慢侮神靈，其罪甚大。食爲養命之資，人爲三才之一，跳過食物人身，均爲罪過。既產爲子，未產爲胎，損是溺殺等類，墮是用藥打下，或奸淫，或妬忌，或因窮困，或怨兒女過多，而損子墮胎，必遭慘報，凡今生無子，或生子不育，或臨老而子反先死，皆前生造此惡業所招之果報。

行多隱僻。晦臘歌舞。朔日號怒。對北涕唾及溺。對竈吟咏及哭。又以竈火燒香。穢柴作食。

隱是不光明，僻是不正大，行多隱僻，如奸盜邪淫等類，凡不可與天知，不可對人言者皆是，人雖不知，天譴難逃。晦是陰曆每月末日，臘有

五：是陰曆元旦、端午、七夕、十月初一、十二月初八，朔是初一，旦是清晨，都是天神察人善惡之日。號音豪，若在晦臘唱歌跳舞演戲，朔旦呼號怒罵，都得罪天地神祇。天上北方，是北斗星君所居，衆神所在，不可穢犯，鼻出爲涕，口吐爲唾，小便叫溺，對北涕唾及溺，觸犯天神，罪過甚重。吟咏卽歌唱，對竈歌唱和哭泣，都褻瀆竈神。又用竈火點香，供佛供神，恐不淨不虔。用污穢之柴，煮飯燒菜，穢氣上蒸，恐觸犯竈神及過往神祇，所作食物，若用以供佛供神，祭祀祖先，尤均觸犯，都應切戒。

夜起裸露。八節行刑。唾流星。指虹霓。輒指三光。久視日月。春月燎獵。對北惡罵。無故殺龜打蛇。

凡人家中，鬼神往來，日夜都有，若夜起裸露，觸犯鬼神，婦女更應忌避。八節、是立春春分，立夏夏至，立秋秋分，立冬冬至，皆是諸神錄

人罪福之日。行刑、是執行死刑徒刑，或用刑具拷打等類，若在八節行刑，傷天地之和，損身家之福，不可不戒。流星、是星辰在天，過宮躔度，不時流移。虹霓、是斗星餘氣，赤白色爲虹，青白色爲霓。三光是日月星。唾向流星，手指虹霓，常指三光，久看日月，都是褻瀆不敬。春月爲生長發育之時，燎獵、是放火燒山，捕捉野獸，所殺無窮，春月燎獵，上逆天行，下殺物命，不仁尤甚。對北涕唾，猶爲罪過，對北惡罵，觸犯天神，罪過更甚。龜蛇陰精，應北方眞武之宿，無故殺龜打蛇，必遭慘報。

**如是等罪。司命隨其輕重。奪其紀算。算盡則死。死有餘責。乃殃及子孫。**

如是等罪，是總結上文，從非義而動，到殺龜打蛇等罪，皆隨業受報，司命之神，隨他所犯罪業之輕重，罪重者奪壽十二年，卽一紀，罪輕者

奪壽百日，卽一算，壽算奪盡卽死，死有餘辜，乃殃及子孫。總之，遠在兒孫，近在本身，報應無差，毫釐不爽。然上帝好生，餘殃及其子孫，亦懲惡勸善之意，若孝子慈孫，修心立身，積善累功，以贖前人之罪，以寬己身之罰，仍可轉禍爲福，望各自勉！此又太上與上帝所深切盼望者也。

又諸橫取人財者。乃計其妻子家口以當之。漸至死喪。若不死喪。則有水火盜賊。遺亡器物。疾病口舌諸事。以當妄取之值。

橫是橫暴，橫取、是用威勢蠻橫逼取，值是原數，當值、是恰合原取之數。還有許多橫取他人錢財的，多爲妻子和家庭人口計算，司命之神，正計其妻子家口之死喪，以報貪惡，使罪報相當，是利之適足以害之，以有情之骨肉，換無情之錢財，亦太可惜！漸至惡積壽盡，自身亦不免死喪

，要此錢財，有甚麼用呢？若幸罪惡稍輕，都不至死喪，就有水災火難，盜搶賊偷，遺失器物，疾病醫藥，口舌官司，不肖子孫等許多禍事，以當原來妄取之總數，橫來橫去，錢財到底落空，而水火盜賊之驚恐，遺亡器物之懊恨，疾病之痛苦，口舌之忿辱，子孫不肖之羞玷，自己白白吃虧，却無取償之法，還欠著多少罪孽，填還不盡，悔之晚矣。

## 又枉殺人者是易刀兵而相殺也。

又有冤枉殺人的，如為將不仁，斷獄冤誣，貪官污吏，土豪劣紳，庸醫訟師等，枉殺人之性命，都是冤冤相報，如換刀相殺一樣，等於自殺。

取非義之財者。譬如漏脯救飢。鴆酒止渴。非不暫飽。死亦及之。

人都貪取錢財，必須見得思義，不取非義之財。義是行事正當而合情理，凡取人之錢財，而人樂意給我的，就是近情，也就是合義，不樂意給我的，即不近情而非義，取了而我可以告人的，就是合理，也就是合義，不可以告人的，即不合理而非義。漏脯、是被屋漏水浸了的肉，鴆酒、是用鴆鳥毛浸了的酒，都有劇毒，吃了就死。凡貪取非義之財的人，譬如吃漏脯救飢，飲鴆酒止渴，非不暫時醉飽，死期也就到了。貪財與殺人之惡，前已列舉，太上婆心，特再提出，反覆叮嚀，以死示警，望共切戒！

**夫心起於善。善雖未爲。而吉神已隨之。或心起於惡。惡雖未爲。而凶神已隨之。**

上文都從事上說善惡，最後歸結到心，因心是善惡的源頭，禍福的感召。夫音扶，作這個講，這個心起了善念，善雖未行，已感動吉神，跟隨



護衛，望他善行圓滿，多方賜福。或心中起了惡念，惡雖未作，已感動凶神，跟隨監察，待他惡貫滿盈，多方降禍。禍福之機，全在一心。

**其有曾行惡事。後自改悔。諸惡莫作。衆善奉行。久久必獲吉慶。所謂轉禍爲福也。**

這一節特提出改悔二字，示人以改過遷善之法，卽轉禍爲福之機。改是改過，悔是懺悔。天下純善之人少，曾行惡事之人多，不知何爲善惡，誤行惡事之人更多，然惡人皆可復爲善人，故太上苦口煩言，先將善事惡事，分別列舉，行善召福，作惡召禍，使人知所警惕！再於篇終結出改悔本旨，使人回頭是岸。又恐人略做善事，便要得福，一不如意，又說行善無益，明示他們有曾行惡事，天已降禍，後來自己改悔，必須諸惡莫作，望他刮磨淨盡，還要衆善奉行，望他積累圓滿，行之久而又久，纔能前罪

漸釋，餘禍方消，後行日圓，新福自至，必獲吉祥喜慶，即所謂轉禍爲福也。若能一心專念南無觀世音菩薩，虔誠懺悔，改惡行善，即蒙尋聲救苦，轉禍爲福，不待久久，即獲吉慶，豈不更大慰太上諄諄告誡之意耶！

故吉人語善。視善。行善。一日有三善。三年天必降之福。  
凶人語惡。視惡。行惡。一日有三惡。三年天必降之禍。胡不勉而行之。

此總結全篇，切實教人行善去惡之路。故字承上啓下，吉人是善人，因他行善即能得福，故爲吉人。凶人是惡人，因他行惡即將得禍，故爲凶人。諸惡衆善，不勝枚舉，約而求之，語視行三樣，正是切實下手處。語善、如非禮不言，樂道人善，勸人行善。視善、如非禮勿視，喜見善人，喜看善書，常見己惡，不見人非。行善、如非禮勿動，勇猛爲善，時時行

方便，種種作陰功，倡引感化，善與人同。惡則反是。三年是千日，卽圓滿之期，已善積而惡盈也。人心至活，變化不常，若三年之久，而心無改移，其善惡也純矣。天爲賞善罰惡、賜福降禍之大主宰，天網恢恢，疎而不漏，必降禍福，報應不爽。末句提出勉行，只就衆善奉行上說，爲通篇之總關鍵，勉字爲改惡遷善至要之密訣，胡不是何不，勉行、是勉強力行，至死不退，欲求生路，須下死功。故勉行衆善之吉人，語善、視善、行善，一日有三善，等到三年，善行圓滿，天必賜福增壽，令成仙而升天道，享受天福。常作諸惡之凶人，語惡、視惡、行惡，一日有三惡，等到三年，惡貫滿盈，天必降禍減壽，死墮地獄餓鬼畜生等三惡道，一失人身，萬劫難復，久受極苦，曷勝危懼！何不勉行衆善，轉禍爲福呢？

太上爲道教始祖，故全篇惟示善惡禍福之現報，使皆自作自受，或眼見耳聞，卽深信不疑，改悔諸惡，勉行衆善，以求人天之福報，成仙而升

天道，爲道教最高果位之成就。但天道仍在六道之內，天福享盡，仍須墮落，輪迴六道，永無出期。謹參照各註解及佛經，將後報列入淺解，普願道教及各宗教之道長道友，和中外男女同胞！不問吉人凶人，只要卽發深信切願，以此諸惡莫作，衆善奉行爲助行，而以專念南無阿彌陀佛，兼念觀世音菩薩爲正行，口念佛號，及勸人念佛行善，卽語善，眼觀佛像、佛經、及三聖像、三聖經，卽視善，禮拜供養，及持齋戒殺，卽行善，正助雙修，求生西方，必蒙佛與菩薩攝受接引，擴大感應，轉人敬天佑，神仙可冀之人天小果，爲生享福壽康寧，死卽帶業往生極樂世界，見佛聞法，離苦得樂，卽了生死，永脫輪迴，廣度衆生，同生極樂，福慧兩足，圓成無上佛果，利己利人，莫過於此也。

太上感應篇淺解終

# 文昌帝君陰騭文

(文內吾字我字。敬讀聖字。)

帝君曰。吾一十七世為士大夫身。未嘗虐民酷吏。救人  
之難。濟人之急。憫人之孤。容人之過。廣行陰騭。上格蒼  
穹。人能如我存心。天必錫汝以福。於是訓於人曰。昔于  
公治獄。大興駟馬之門。竇氏濟人。高折五枝之桂。救蟻  
中狀元之選。埋蛇享宰相之榮。欲廣福田。須憑心地。行  
時時之方便。作種種之陰功。利物利人。修善修福。正直  
代天行化。慈祥為國救民。忠主孝親。敬兄信友。或奉真  
朝斗。或拜佛念經。報答四恩。廣行三教。濟急如濟涸。轍

之魚。救危如救密羅之雀。矜孤恤寡。敬老憐貧。措衣食。周道路之飢寒。施棺槨。免屍骸之暴露。家富提攜親戚。歲饑賑濟鄰朋。斗秤須要公平。不可輕出重入。奴僕待之寬恕。豈宜備責苛求。印造經文。創修寺院。捨藥材以拯疾苦。施茶水以解渴煩。或買物而放生。或持齋而戒殺。舉步常看蟲蟻。禁火莫燒山林。點夜燈以照人行。造河船以濟人渡。勿登山而網禽鳥。勿臨水而毒魚蝦。勿宰耕牛。勿棄字紙。勿謀人之財產。勿妒人之技能。勿淫人之妻女。勿峻人之爭訟。勿壞人之名利。勿破人之婚。

姻。勿因私讎。使人兄弟不和。勿因小利。使人父子不睦。勿倚權勢而辱善良。勿恃豪富而欺窮困。善人則親近之。助德行於身心。惡人則遠避之。杜災殃於眉睫。常須隱惡揚善。不可口是心非。翦礙道之荆榛。除當途之瓦石。修數百年崎嶇之路。造千萬人來往之橋。垂訓以格人。非捐貲以成人。美作事須循天理。出言要順人心。見先哲於羹牆。慎獨知於衾影。諸惡莫作。衆善奉行。永無惡曜加臨。常有吉神擁護。近報則在自己。遠報則在兒孫。百福駢臻。千祥雲集。豈不從陰鷲中得來者哉。

## 印光大師嘉言節錄

歷觀古今大聖大賢之生，皆其祖父積德所致，大富大貴亦然。其子孫生於富貴，只知享福造業，忘其祖父一番培植，從茲喪祖德以蕩祖產，任其貧賤，此舉世富貴人之通病。能世守先德，永久勿替者，惟蘇州范家，爲古今第一，自宋文正公以來，直至清末，八百餘年，家風不墜，科甲相繼，可謂世德書香之家。而長州彭家，自清初以來，科甲冠天下，其家狀元有四五人，有同胞三鼎甲者。而世奉佛法，雖狀元宰相，日誦感應篇、陰騭文，以爲誠意正心，致君澤民之鑑。彼狂生謂此等書，乃老齋公老齋婆所從事者，非但不知聖賢之所以爲聖賢，並不知人之所以爲人，生爲走肉行尸，死與草木同腐，而且惡業難消，永沉惡道。彼囂囂然自命爲博雅通人，致令後世，並天地父母之名字，亦不得聞矣，何可勝數。



# 文昌帝君陰騭文淺解

通城毛凌雲惕園纂述

帝君生於晉，姓張，名亞，越人也，後徙蜀，居梓潼。其人俊雅灑落，其文明麗浩蕩，爲蜀中宗師。感時事，託爲方外遊，及門諸弟子，建祠奉祀，題曰文昌君。唐玄宗僖宗，避寇入蜀，顯靈擁護，難平，詔封晉王，後人尊稱爲文昌帝君。上帝以其累世爲儒，命掌天曹桂籍，並命爲雪山大仙。曾歸依釋迦牟尼佛，蒙爲授記：「汝於來世，當得作佛，號安樂不動地、遊戲三昧定慧王菩薩，釋迦梵證如來。」陰騭、卽陰德、陰功，是不給人知道的善行，帝君公開提出，教訓世人，應各廣行陰騭之善因，天必賜汝以福祥之善果，故名陰騭文。古今註釋，皆文富義繁，艱深難解，茲特節取廣義之文，易爲淺解，期皆一目了然，卽自信受奉行，樂善不倦，有因必有果，誠求富貴福壽之捷徑也。

帝君曰。吾一十七世爲士大夫身。未嘗虐民酷吏。救人之難。濟人之急。憫人之孤。容人之過。廣行陰騭。上格蒼穹。人能如我存心。天必錫汝以福。

此皆帝君現身說法，故以吾字起頭，自言十七世以來之功行，以爲訓人之張本。人惟生不知來，死不知去，便謂形神消滅，無復來生，所以肆行無忌。帝君深知此種觀念，自誤誤人，流毒不淺，故以自己之一十七世，曉然正告天下，使皆知人人都有一十七世，由是將爲善，想及身後之福，必自勇爲，將爲不善，想及身後之禍，必不敢爲。人之一生爲一世，古時稱受職居官之人，爲士大夫。救難有多端，在水火之難，以拯拔爲救，在冤獄之難，以昭雪爲救，遇盜賊刀兵之難，以解脫爲救。濟急與救難不同，受饑寒、急於衣食，遭疾病、急於醫藥，有子女、急於婚嫁，遇死亡

、急於喪葬。必隨力救濟，皆盡我之智謀，竭我之財力，使救濟之念，十分圓滿而後止。憫恤人家幼失父母之孤兒孤女，必教養成成人，及時婚嫁。寬容別人之過失，雖無心之過易恕，有心之過難容，必難容能容，而生憐憫原諒。帝君所行陰騭，不勝枚舉，故以廣行二字，概括一切。格是感格，蒼穹是天，錫是賜。帝君說：我一十七世，都得讀書做官，爲士大夫身，皆由於我從來沒有虐使人民，酷待吏役，救人之難，濟人之急，憫人之孤，容人之過，如此廣行陰騭，上感蒼天，賜我福祿，並命職掌桂籍，名列仙班。只要人能像我一樣存好心，做好事，這是善因，天必賜汝以福，這是善果，必字、如種瓜得瓜，種豆得豆，毫髮不爽。

於是訓於人曰。昔于公治獄。大興駟馬之門。竇氏濟人。高折五枝之桂。救蟻中狀元之選。埋蛇享宰相之榮。

於是二字，承上啓下，若承未嘗弱民句來，則訓有止惡之意，爲下諸惡莫作的張本。若承救人之難六句來，則訓有勸善之意，爲下衆善奉行的張本。帝君因此垂訓於人，使皆改惡行善，福臻祥集。特先舉昔日于公等四則行善得福之因果，爲下欲廣福田，須憑心地的張本。

漢于公，東海人，爲縣獄吏。郡有孝婦，寡居守節，養姑甚謹，姑恐妨其嫁，竟自縊死，姑女誣告孝婦迫死其母，婦不能辯，公爲力爭，而不得免，孝婦被處死刑，東海忽大旱三年，後太守來，公白其冤，祭孝婦墓，遂卽大雨。凡所平決案獄，民皆允服。公門壞，父老謀爲興建，公曰：「可高大其門，令容駟馬車，因我治獄多陰德，並無冤枉，子孫必有興者。」後其子定國，果爲丞相，封平西侯，孫永侶，爲御史大夫。

五代竇禹鈞，燕山人，年三十餘，尙無子，夢祖父告曰：「汝不但無子，且不壽，宜早修德以回天。」由是力行善事，有家人盜錢二百千，自

書券曰：「永賣此女，以償所負。」繫幼女背，遂卽遠遯，公憐之，卽焚其券，養女及笄，擇配嫁之。同宗外戚，有喪不能舉，出錢葬之，有女不能嫁，出錢嫁之。公量每歲所入，除伏臘供給外，悉以濟人，家唯儉素，無金玉之飾，無衣帛之妾。於宅南建書院，聚書數千卷，延師課四方孤寒之士，厚其廩餼，由公顯者甚衆。不久，連生五子，皆聰明俊偉。復夢祖父告曰：「汝數年來，功德浩大，名挂天曹，延壽三紀，五子俱顯榮，汝當益加勉勵，無惰初心。」後來長子儀，任禮部尙書，次子儼，任禮部侍郎，三子侃，任左補闕，四子稱，任右諫議大夫，參大政，五子僖，任起居郎，八孫皆貴。公享壽八十有二，無病談笑而逝。

宋宋郊、宋祁，兄弟同在太學，有僧相之曰：「小宋大魁天下，大宋不失科甲。」後春試畢，僧見大宋，賀曰：「似曾活數百萬生命者。」郊笑曰：「貧儒何力及此，」僧曰：「蠕動之物皆命也，」郊曰：「有蟻穴

爲暴雨所浸，吾編竹橋渡之，豈此是耶？」僧曰：「是矣。小宋今當大魁，公終不出其下。」及唱第，祁果狀元，章獻太后，謂弟不可先兄，乃易郊第一，祁第十，始信僧言不謬。

楚孫叔敖，嘗出遊，見兩頭蛇，殺而埋之。及歸，憂而不食，母問其故？泣對曰：「兒聞見兩頭蛇者必死，兒今見之，恐棄母而死也。」母曰：「蛇今安在？」答曰：「恐後人又見，已殺而埋之矣。」母曰：「無憂，吾聞有陰德者，必獲善報，汝必興於楚。」後果爲令尹，執楚政。

按濟人救蟻是善事，爲順種福田，治獄埋蛇是惡事，皆存心救人，爲逆種福田，都是善因，皆得近報在自己，遠報在兒孫之福報，都是善果。

欲廣福田。須憑心地。行時時之方便。作種種之陰功。利物利人。修善修福。

此爲一篇之綱領，皆培植心地之事。上述因果之事，此明因果之理，心地是因，福田是果。田地皆有生長之義，人若行善，如農夫種田，能得福報，故名福田；心爲萬法之本，能生一切諸法，人皆依心而起善惡諸行，故名心地。方便，是有益於人之善事，陰功，是不給人知道之善行。欲是想，想要廣種福田，必須先憑心地，而起善行，要行時時之方便，沒有間斷，還要作種種之陰功，沒有遺漏，視其力之所能，卽勇往力行，力所不能，也要先發大願，常存好心，等將來或後世，付諸實行，有願必遂，或勸有力者行之，以利物利人，而修善修福。物是動物，指一切衆生，要陰功足以及物，利益衆生，還要陰功足以及人，利益衆人。利物利人，卽修善修福，亦卽自利，金銀財寶，房屋田園，人奪得去，我帶不去，博學鴻才，人奪不去，我也帶不去，我帶得去，人奪不去的，只有修善與修福。修善到極處，能使七祖超昇，百神擁護，修福到極處，能使千祥雲集，

百福駢臻。善爲福之基礎，是因，福爲善之報應，是果，修善卽修福。

## 正直代天行化。慈祥爲國救民。忠主孝親。敬兄信友。

此下皆隨事訓勉，教人衆善奉行。若居官位，應聰明正直，代天地而行化育，慈悲祥和，爲國家而救人民。主字、不獨臣民對於君主，凡吏役對於主官，奴婢對於主人，皆應竭盡心力，效忠職守，以報主恩！兒女對於父母，應服勞孝養以安之，或立身行道以顯之，並勸持齋念佛，以求生享福壽康寧，死卽往生極樂，永脫生死輪迴，以報親恩！弟應敬兄，兄應愛弟，兄友弟恭，以博親歡！朋友應互信互助，勸善規過，以盡友誼。

## 或奉眞朝斗。或拜佛念經。報答四恩。廣行三教。

眞是天仙，斗爲列宿，皆記人之善惡，註人之生死，自應敬奉朝禮。



佛是自覺覺他，覺行圓滿，福慧兩足，萬德俱備之大聖人，爲三界導師，即諸天諸仙，梵天帝釋，都恭敬禮拜，我們凡夫，更應禮拜。經是佛說度生成佛之妙法，自應念誦，信受奉行，若不能解其義，但存敬慕之心，亦得無量福報。佛教在家居士，以父母，衆生、國王、三寶即佛法僧爲四恩，出家僧尼，以父母、師長、國王、施主爲四恩；儒道兩教，以天地、君、親、師爲四恩，皆恩之極重，而難報答。三教爲儒釋道，儒教是教人誠意正心，修身齊家，治國平天下之入世法，即六道中之人道。釋即佛教，是教人念佛行善，求生西方，即了生死輪迴之出世法。道教是教人改惡行善，成仙升天，似出世而實未出世，即六道中之天道。因人之根機不同，或信道教，敬奉真仙，朝禮斗宿；或信佛教，禮拜佛像，念誦佛經；爲報答四恩，必廣行三教。帝君一十七世爲士大夫身，是儒教，末後一世，成仙升天，是道教，曾歸依佛，蒙佛授記，來世作佛，是佛教，故教人廣行三教

，使皆仰法帝君，由儒道而入佛教，普度衆生，共出輪迴，以報四恩。

## 濟急如濟涸轍之魚。救危如救密羅之雀。

危急，所該甚廣，與前救人之難，濟人之急，意義相同。應濟人之急，如濟受困在乾<sub>干音</sub>涸車轍之魚，得水卽活，緩卽枯死；救人之危，如救被捕在密布羅網之雀，解網卽飛，緩卽被殺；皆應爭取時間，愈快愈好。

矜孤恤寡。敬老憐貧。措衣食。周道路之飢寒。施棺槨。免屍骸之暴露。家富提攜親戚。歲饑賑濟鄰朋。

無父之孤兒，與喪夫之寡婦，皆孱弱可欺，急應憐憫，吾力所不能及者，當存矜恤之念，吾力所能及者，當盡矜恤之實，矜恤不必定費錢財，如告以所不知，教以所不能，戒其所不可，甚至爲其排難解紛，申冤雪枉

，皆是矜恤。對於年老之人，應該恭敬，隨時扶助。對於貧窮之人，應該憐憫，量力周濟。若在道路之饑寒，與在家之貧困不同，非羈旅之人，資糧告匱，卽遇患難之事，緩急無門，他對衣食，誠有得之卽生，不得卽死之勢，更應籌措衣食，周濟道路之饑寒，我之所費有限，他之沾惠無窮。對於殞殮無錢之死人，急應布施棺槨，以免屍骸之暴露。若人家富，應提携貧窮之親戚，隨時幫助，使衣食無虞。若遇年歲饑荒，應先賑濟近鄰之朋友，使免饑寒，行有餘力，再賑濟其他饑民，使皆溫飽。

## 斗稱須要公平。不可輕出重入。

稱同秤，斗秤、是量多少輕重的用具，說斗秤、卽尺在其中，都須要公平，出入一樣，不可輕出重入，少出多入，短出長入，出入既已公平，心地自然公平，到工夫純熟，度量寬宏，卽一切無不公平矣。

## 奴婢待之寬恕。豈宜備責苛求。

奴婢、是供使役之男女，應待以寬容饒恕，常作自己之兒女想，豈忍責備處罰，苛刻要求？當打罵的，且加訓誡，當訓誡的，且加勸勉，則自己之精神不費，奴婢之肢體不傷，既享現在之令名，還可作將來之家法。

## 印造經文。創修寺院。

人身難得，佛法難聞，自應印造經文，救人慧命，功德無量。寺院、是和尚尼姑供佛修道的地方。佛法僧三寶，叫做福田，所以莊嚴供養三寶的，只有寺院，無寺院，卽無佛像經文，與僧尼四衆，一應禮拜燒香，受持讀誦之福，皆無由種。自應創修寺院，廣造福德，命終卽生天道。

## 捨藥材以拯疾苦。施茶水以解渴煩。

藥材、是治病之藥物。人生痛苦，莫過於疾病，若貧病相連，無錢醫治，痛苦更甚，自應施捨藥材，以拯疾苦，救人生命。饑餓足以喪身，口渴亦足以致病，少壯猶可，老弱更甚，地近猶可，長途更甚，天氣和煦時猶可，大寒大熱時更甚，自應布施茶水，以解口渴之煩，亦濟急之大善。

## 或買物而放生。或持齋而戒殺。

天下之最惡者唯殺生，而天下之最善者唯放生，物、即禽獸等動物，與人形體雖異，而知覺實同，忍心殺之，其恨何如？若當被殺之時，買而放之，其感又何如？放生必先戒殺，戒殺必先持齋，天下因有人食肉，就有人殺生，古德云：「世上欲無刀兵劫，須自衆生不食肉。」諺云：「一日持齋，天下殺生無我分。」若人人持齋，則天下無殺生之人，而世上即無刀兵之劫。明蓮池大師戒殺文曰：「人人愛命，物物貪生，何得殺彼形

軀，充己口腹，或利刃剖腹，或尖刀刺心，或剝皮刮鱗，或斷喉劈殼，或滾湯活煎鼈鱉，或鹽酒生醃蟹蝦，可憐大痛無伸，極苦難忍，造此彌天惡業，結成萬世深仇，一日無常，卽墮地獄，鑊湯爐炭，劍樹刀山，受罪畢時，仍作畜類，怨怨對報，命命填還，還畢爲人，多病早夭。我今哀告世人，普勸戒殺，更能隨力放生，加持念佛，不但增崇福德，必當隨願往生，永脫輪迴，功德無量！」憨山大師放生偈曰：「人既愛其壽，生物愛其命，放生合天心，放生順佛令。放生免三災，放生離九橫，放生壽命長，放生官祿盛，放生子孫昌，放生家門慶。放生無憂惱，放生少疾病，放生解冤結，放生罪垢淨。放生觀音慈，放生普賢行，放生與殺生，果報明如鏡。」三災：卽一、刀兵災，二、疾病災，三、飢饉災。九橫、卽九種橫死：一、得病無醫，二、王法誅戮，三、非人奪精氣，四、爲火所焚，五、水中沉溺，六、爲惡獸所啖，七、橫墮山崖，八、毒藥咒詛，九、飢渴

所困。應卽持齋戒殺，買物放生，錢多多放，錢少少放，並爲念佛，回向西方，令皆同生極樂，永脫輪迴，利物自利，莫過於此，望共奉行爲要！

## 舉步常看蟲蟻。禁火莫燒山林。

戒殺，不分物之大小，皆應嚴戒，雖形有大小，而性無大小，微細之蟲蟻，尤應愛護。世人舉足動步，無不是罪，一生誤傷物命，不知多少。若山林被燒，一切大小生物，盡殲滅於大火之中，殺生最多，罪孽最大。應舉足動步，常看蟲蟻，以防誤傷；禁止放火，莫燒山林，保護生物，尤爲戒殺之首要，功德最大。按佛教沙彌律中，有行步不傷蟲蟻咒，最爲簡易，宜於每日清晨，未下牀時，先默念佛號數聲，祝曰：「從朝寅旦直至暮，一切衆生自回護，若於足下誤傷時，願汝卽時生淨土。」隨持咒七遍，咒曰：「唵地利日<sub>支音</sub>利娑婆訶。」持過七遍，然後投足於地，卽無誤傷

之患。此咒、不問智愚，人人可誦，子弟六七歲時，卽宜教他，使成習慣，自幼培植仁慈之念，豈非鷄鳴而起，孳孳爲善之一助耶？

## 點夜燈以照人行。造河船以濟人渡。

黑夜難行之處，應點一燈，以照人行，行人有燈，卽眼前了了，故施燈的，當得明目報，行人有燈，不致跌撲損傷，故施燈的，當得無病報，行人有燈，不致墮落溪河井溝，故施燈的，當得長壽報，是點燈利人，實卽自利也。臨流徘徊，嘆隔河千里之難，應造一船，以濟人渡，是使人絕處逢生，必得絕處逢生之報。從江河中渡人，其功固大，恩在一時，從生死苦海中渡人，其功尤大，恩在世世。一切凡夫，皆在苦海生死輪迴之此岸，惟有勸人常念千處有求千處應，苦海常作渡人舟之觀世音菩薩，卽蒙垂祐，救苦救難，增福增壽，臨命終時，並蒙接引，往生極樂世界，卽渡



人到超出三界苦海，了脫生死輪迴之彼岸，永享極樂，共成佛道。

**勿登山而網禽鳥。勿臨水而毒魚蝦。勿宰耕牛。**

從這段起，每句之首，連用勿字，是戒人諸惡莫作，先戒殺生。禽獸魚蝦，被人捕捉，尚應買放，切勿自行登山，而網捕禽鳥獸類，更勿用弩箭火鎗，當場射殺。切勿自行臨水，而毒殺魚蝦龜鼈，盡殲其類，亦勿用網罟釣餌，隨時捕捉。牛既代人耕種，以養身家，自應養其終老，以酬其勞，而報其恩，更勿宰殺，共食其肉。故都戒勿殺，免遭惡報。

**勿棄字紙。勿謀人之財產。勿妒人之技能。**

世間若無文字，官吏無以施治，政令無以傳播，智慧無以傳授，善惡無以勸戒，字之有功於人甚大，字紙雖已作廢，自應敬惜，切勿裹物糊窗

，或輕易拋棄。財產由於各人之福報，並非設謀可得，故戒勿謀。技能由於各人之智慧，有益於世者，當恭敬效法，故戒勿妒。

## 勿淫人之妻女。

人最愛其妻女，亦最惡淫其妻女，己所不欲，勿施於人，萬惡淫爲首，切勿邪淫人之妻女，以免自招惡報，輕卽傷身敗德，重卽傾家喪命，還招妻不貞良，女不清節之現報，果報在地獄，鐵牀銅柱，極苦自受。古人垂戒云：「美色人人愛，皇天不可欺，我去淫人婦，人來淫我妻。」諺云：「勸君莫借風流債，借得快來還得快，家中自有代還人，你要賴時他不賴。」文帝天戒錄云：「姦人妻女，玷人閨門，在地獄中，受苦五百劫，方得脫生，爲騾爲馬，又五百劫，方復人身，爲娼爲優。姦宿寡婦尼僧，敗人操履，在地獄中，受苦八百劫，方得脫生，爲羊爲豕，供人宰殺，又

八百刼，乃復人身，爲瞽爲啞，爲五官四肢不全殘廢之人。以卑亂尊，以長亂幼，敗壞綱常，在地獄中，受苦一千五百刼，方得脫生，爲蛇爲鼠，又一千五百刼，方得人身，或在母胎中死，或在孩抱中亡，畢竟不享大年。犯淫罪報可悲也。」若見人之妻女，而起淫心，或已犯淫行，由因知果，心生怖畏，請卽心常憶念恭敬觀世音菩薩，以自心念力，對治淫心，仗菩薩威神，消除淫業，卽得速離貪愛淫欲之毒，死卽帶業往生西方極樂世界，永脫輪迴，方免久墮地獄畜生之果報，望共注意深信常念爲要！

## 勿唆人之爭訟。勿壞人之名利。勿破人之婚姻。

若有人因口角鬪爭，而起訴訟，卽應從中勸解，切勿唆使他人之爭訟，自傷陰德。名爲立身之具，利爲衣食之源，切勿破壞他人之名利，自消福祿。良緣由夙締，佳偶自天成，切勿破壞他人之婚姻，自遭天譴。

**勿因私讐。使人兄弟不和。勿因小利。使人父子不睦。**

兄弟情同手足，父子親如骨肉，自應兄友弟恭，父慈子孝，一家和睦，共享天倫之樂。切勿因報私讐，使人兄弟不和，得罪父母。亦勿因爭小利，使人父子不睦，更滅天倫，貽害甚大，報應必慘。

**勿倚權勢。而辱善良。勿恃富豪。而欺窮困。**

若處權勢富豪之地，宜常存忠厚與危懼之心，保護善良，救濟窮困，以增自己之福祿，因權勢富豪，烜赫固易，衰敗亦易，切勿自倚威權勢力，而凌辱善良之好人，亦勿自恃財富豪門，而欺壓窮困之苦人，以善保其權勢富豪，免受衰敗之現報。更勿倚人權勢，而辱善良，以免所報更重。

**善人則親近之。助德行於身心。惡人則遠避之。杜災殃。**

於眉睫。

善人行善，所修者德行，應即親近，便有熏陶漸染之功，以助成我之德行於身心。惡人作惡，所造者災殃，應即遠避，以免朋比牽連之禍，而防止他之災殃於眼前。杜即防止，眉睫，是眉毛眼毛，喻近在眼前也。

常須隱惡揚善。不可口是心非。

人之言行，有善有惡，常應惡爲隱蔽，使改惡遷善，善爲宣揚，使益進於善。更應心口如一，不可口是心非，以免顯遭人禍，陰受天誅。

剪礙道之荆榛。除當途之瓦石。修數百年崎嶇之路。造千萬人來往之橋。

應翦去妨礙道路之荆榛，免觸人衣，掃除正當途中之瓦石，免傷人足，修幾百年崎嶇不平之路，造千萬人來往方便之橋，此皆利人之功最大。

## 垂訓以格人非。捐貲以成人美。

格是改正，非爲不是，貲是錢財，美是好事。人有一毫不是，應剴切忠告，如口舌所不能及，應筆之於書，永垂訓示，以格人非。人有好事，應極力促成，如有所費，更應捐助貲財，以成人美。此利人之功尤大。

## 作事須循天理。出言要順人心。

循是依照，天理、是自然之公理，人心、是至公至當之心，人心所在，卽天理所在，爲作事出言之準則。作事要遵循天理，使行寡悔，出言要順著人心，使言寡尤。循天理卽是，順人心卽公，天道佑之，動與福俱，

捨天理卽非，逆人心卽私，惡星隨之，動與禍俱，其得其失，相去天淵。

## 見先哲於羹牆。慎獨知於衾影。

羹是有湯汁的食品，衾是大被。先哲、卽往古聖賢，應心慕身行，如在左右，食見先哲於羹湯，坐見先哲於牆壁，誠念念不忘，必步步效法。對於隱微幽獨之處，應刻刻防閑，戰兢惕厲，不得稍有疎漏。古人云：「獨行不愧影，獨臥不愧衾。」能到衾影不愧時，纔是慎獨知到極處。果能見先哲於羹牆，慎獨知於衾影，則起心動念，自無不善，而言行皆善矣。

## 諸惡莫作。衆善奉行。永無惡曜加臨。常有吉神擁護。

此總結全篇。諸惡、卽上文淫殺破壞等事，衆善、卽上文忠孝敬信等事，莫作、是禁止之詞，奉行、有勸勉之意。果能諸惡莫作，卽永無惡曜

加臨，更能衆善奉行，卽常有吉神擁護，如影隨形，纖毫不爽。

## 近報則在自己。遠報則在兒孫。

近報遠報，都就善一邊說，正爲下文百福千祥的張本。富貴貧賤，死生壽夭，皆有定數，這就是善惡的報應。近報、不必指定現在，卽他生後世，也是近報，自作自受，近莫近於自己，這是帝君教人自求多福之意。發祥在十世五世以後，固稱爲遠報，卽桂子蘭孫，發達在膝下眼前，也是遠報，近報就在自己，遠報就在兒孫，惡報也是一樣。此皆現報，若與人言後報，多半信半疑，與人言後嗣之兒孫，無論智愚，皆深信而不惑也。

## 百福駢臻。千祥雲集。豈不從陰隲中得來者哉。

此總收全篇，與前廣行陰隲句，遙相呼應。百福千祥，雖統言其獲報



之厚，其中亦縷析條分，如善大、則福祥亦大，善小，則福祥亦小。駢臻卽並至，雲集、是像雲一樣的聚集，這百福駢臻，千祥雲集，豈不都從陰騭中得來的嗎？上文廣行陰騭，上格蒼穹，是帝君以身立教，自言其功效如此。此言百福千祥，必由陰騭，是帝君鼓勵世人，都要仰法帝君，廣行陰騭，上格蒼穹，天必賜汝福祥如此之大也。

此百福千祥之福報，都近在己，遠在兒孫，但福報愈大，造孽愈易，墮落亦愈速。帝君特以身示範，普勸廣行三教，拜佛念經，印造經文，創修寺院，持齋戒殺，衆善奉行，普種信佛之善根，皆應仰法帝君，由儒道兩教，共入佛教。請卽歸依三寶，念佛行善，正助雙修，求生西方，定蒙阿彌陀佛，與觀音、勢至、諸大菩薩，攝受接引，現卽消災延壽，福臻祥集，死卽往生極樂世界，見佛聞法，卽了生死，永脫輪迴，福慧兩足，成佛度生，因圓果滿，可爲預賀！

文昌帝君陰騭文淺解終

## 印光大師嘉言節錄

世亂極矣，人各望治，不知其本，望亦徒勞，其本所在，急宜知之。家庭母教，乃是賢才蔚起，天下太平之根本，不於此講求，治何可得乎？母教第一是胎教，凡女人受孕之後，務必居心動念行事，唯誠唯謹，一舉一動，不失於正。尤宜永斷腥葷，日常念佛，令胎兒稟受母之正氣，則其生時，必安樂無苦。所生兒女，必相貌端嚴，性情慈善，天姿聰明。及至初開知識，即爲彼說做人之道理，如孝弟忠信、禮義廉恥等，及三世因果之罪福。六道輪迴之轉變，俾彼心中常常有所恐怖，有所冀慕。再令念佛，念觀世音，以期增福增壽，免災免難。稍長，即令熟讀太上感應篇，文昌陰騭文，關帝覺世經，俾知有所師法，有所禁戒，以爲後來讀書受益之前導。幼時如是，愈讀書，愈賢善，不患不到聖賢地位，光宗耀祖也。

## 關聖帝君覺世真經

帝君曰。人生在世。貴盡忠孝節義之事。方於人道無愧。可立於天地之間。若不盡忠孝節義等事。身雖在世。其心已死。是謂偷生。凡人心卽神。神卽心。無愧心。無愧神。若是欺心。便是欺神。故君子三畏四知。以慎其獨。勿謂暗室可欺。屋漏可愧。一動一靜。神明鑒察。十目十手。理所必至。況報應昭昭。不爽毫髮。淫為萬惡首。孝為百行原。但有逆理。於心有愧者。勿謂有利而行之。凡有合理。

於心無愧者。勿謂無利而不行。若負吾教。請試吾刀。敬  
天地。禮神明。奉祖先。孝雙親。守王法。重師尊。愛兄弟。信  
朋友。睦宗族。和鄉鄰。敬夫婦。教子孫。時行方便。廣積陰  
功。救難濟急。恤孤憐貧。創修廟宇。印造經文。捨藥施茶。  
戒殺放生。造橋修路。矜寡拔困。重粟惜福。排難解紛。捐  
貲成美。垂訓教人。冤讐解釋。斗秤公平。親近有德。遠避  
凶人。隱惡揚善。利物救民。回心向道。改過自新。滿腔仁  
慈。惡念不存。一切善事。信心奉行。人雖不見。神已早聞。  
加福增壽。添子益孫。災消病減。禍患不侵。人物咸寧。吉

星照臨。若存惡心。不行善事。淫人妻女。破人婚姻。壞人名節。妒人技能。謀人財產。唆人爭訟。損人利己。肥家潤身。恨天怨地。罵雨呵風。謗聖毀賢。滅像欺神。宰殺牛犬。穢溺字紙。恃勢辱善。倚富壓貧。離人骨肉。間人兄弟。不信正道。奸盜邪淫。好尚奢詐。不重勤儉。輕棄五穀。不報有恩。瞞心昧己。大斗小秤。假立邪教。引誘愚人。詭說昇天。斂物行淫。明瞞暗騙。橫言曲語。白日咒詛。背地謀害。不存天理。不順人心。不信報應。引人作惡。不修片善。行諸惡事。官詞口舌。水火盜賊。惡毒瘟疫。生敗產蠹。殺身

亡家。男盜女淫。近報在身。遠報子孫。神明鑒察。毫髮不紊。善惡兩途。禍福攸分。行善福報。作惡禍臨。我作斯語。願人奉行。言雖淺近。大益身心。戲侮吾言。斬首分形。有能持誦。消凶聚慶。求子得子。求壽得壽。富貴功名。皆能有成。凡有所祈。如意如獲。萬禍雪消。千祥雲集。諸如此福。惟善可致。吾本無私。惟佑善人。衆善奉行。毋怠厥志。

（經內吾字我字敬讀帝字）

# 關聖帝君覺世真經淺解

通城毛凌雲惕園謹述

關聖帝君，姓關名羽，號雲長，河東郡解縣人，爲三國時蜀之大將，封漢壽亭侯，一生所盡忠孝節義等事迹，有三國志及三國演義，記載詳實，流芳萬古。歷代封王封帝，並封爲夫子，享祀武廟，與至聖先師孔夫子之文廟，並列爲國家祀典，廟食徧全國，及海外各華僑社會，被尊爲聖，被尊爲神，通稱關公，關帝，關夫子，關老爺。儒教尊爲文衡聖帝，列爲五文昌之一。道教尊爲玉皇上帝。佛教因關帝殉節後，在玉泉山顯靈，受歸戒於智者大師，願爲伽藍神，護法護人，各寺院都奉爲護法神，凡敬信者，無不蒙顯神靈。民國三十八年，吾夫婦於大陸撤退途中，恭佩關帝聖像及經籤，頻逢險難，得保安寧，屢蒙籤示趨避，俾脫險來臺，轉禍爲福，謹供關帝聖像於佛旁，早晚課後，稱念禮拜，以報帝恩！關聖帝君覺世

真經，明示行善福報，作惡禍臨，詞甚精簡淺明，故迄無註解，而印送持誦，靈驗甚多。謹略爲淺解，以期家喻戶曉，皆能持誦奉行，卽蒙垂佑，萬禍雪消，千祥雲集，加福加壽，添子添孫，誠覺世傳家之寶訓也。

**帝君曰。人生在世。貴盡忠孝節義之事。方於人道無愧。可立於天地之間。**

帝君說：凡人生在世間，不分男女，都貴盡忠孝節義之事，就是對國君長上，應盡忠誠，對父母公婆，應盡孝養，對自己，應盡節操，對朋友，應盡道義，這忠孝節義之事，都能竭盡心力，澈底做到，纔對於做人的道理，沒有慚愧，可自立於天地之間。

**若不盡忠孝節義等事。身雖在世。其心已死。是謂偷生。**



偷生是貪生，卽苟且的生活下去。倘若不能盡心做到忠孝節義等事，他的身體，雖還活在世間，他的良心，早已死了，這就叫做苟且的偷生。

凡人心卽神。神卽心。無愧心。無愧神。若是欺心。便是欺神。

人心是人之本性，俗稱靈魂，不生不滅，與世長存，隨業受報，爲鬼爲神，成仙成佛，都是這個心。凡人的心就是神，神也就是心，無愧心，要對得起自心，無愧神，纔對得起神明。若是欺騙自心，就是欺騙神明。

故君子三畏四知。以慎其獨。勿謂暗室可欺。屋漏可愧。一動一靜。神明鑒察。十目十手。理所必至。況報應昭昭。不爽毫髮。

故是所以，三畏，是畏天命，畏大人，畏聖人之言。四知，是天知，地知，你知，我知。暗室、是黑暗的房間，屋漏、見詩經大雅篇：「尚不愧於屋漏。箋註：漏、隱也。」即屋內隱蔽的處所，都是指人所不見不聞的地方。所以君子對於隱微幽獨之處，常存三畏四知之心，戰兢惕厲，以自謹慎防閑於獨處之時，決不敢稍做虧心之事，莫說在無人見聞之暗室，可以欺瞞，但對屋內極爲隱蔽之處，仍可愧怍，因爲人的一動一靜，都有神明詳細鑒察，好像十目所視，十手所指，事理所在，必定這樣，何況善惡的因果報應，昭彰明顯，不錯一毫一髮呢？這是帝君教人：在沒有人看見的地方，更要小心自己的行爲，以避禍而召福。

淫爲萬惡首。孝爲百行原。但有逆理。於心有愧者。勿謂有利而行之。凡有合理。於心無愧者。勿謂無利而不行。

## 若負吾教。請試吾刀。

這是諸惡衆善的總綱。逆與負、都是違背，吾是帝君自稱。帝君說；淫爲萬惡之首，自應嚴戒，戒淫就是大善。孝爲百行衆善之原，自應力行，不孝就是大惡。但有違背天理，對於自心有愧之事，就是惡事，應絕對不做，免召惡報，莫說對己有利，而反力行，必得惡報之大害。惡的反面就是善，凡有合於天理，對於自心無愧之事，就是善事，應即奉行，必召福報，莫說對己無利，而反不行，枉失福報之大利。若有違背我這個教訓，膽敢作惡之人，請試一試我的大刀。此帝君苦口婆心，明示善惡分辨之法，並以刀示警，恩威並施，使皆知所敬畏，即諸惡莫作，衆善奉行。

敬天地。禮神明。奉祖先。孝雙親。守王法。重師尊。愛兄弟。

## 信朋友。睦宗族。和鄉鄰。敬夫婦。教子孫。

以下是帝君教人衆善奉行的細目。首要敬天地，禮神明，因天覆地載，恩高德厚，自應敬奉；神明鑒察善惡，報應禍福，自應禮拜。爲念水源木本，自應奉祀祖先。爲念生我劬勞，自應孝養雙親。王法卽國法，爲忠君愛國，自應遵守。師尊卽老師，蒙傳道授業，自應尊重。兄弟情同手足，自應友愛。朋友取善輔仁，自應互信。同宗共族，視同一家，自應敦睦。同鄉近鄰，守望相助，自應和好。夫婦爲一體之親，自應相敬如賓。子孫爲傳宗之人，自應教以義方。此皆爲衆善之首，均應切實奉行。

## 時行方便。廣積陰功。救難濟急。恤孤憐貧。

要時行方便，常做有益於人的好事，廣積陰功，多做不給人知道的功

德。凡遇他人遭受水火刀兵，盜賊冤獄等災難，要力爲解救；看見他人有飢寒疾病，婚嫁喪葬等急需，要隨力周濟。撫恤幼失父母之孤兒孤女，要教養成成人，及時婚嫁；憐憫生活貧窮之人家，要隨時救濟，使衣食無虞。

## 創修廟宇。印造經文。捨藥施茶。戒殺放生。

要創修寺院廟宇，供奉佛像神祇，和僧尼道士，廣種福田；印造佛道經文，普度衆生，救人慧命；要施捨藥材，以救疾病之痛苦；布施茶水，以解口渴之煩惱；要戒殺豬狗牛羊，鷄鴨魚蝦等一切生物，若當被殺之時，更要收買放生，以救物命。此皆功德無量，必得福壽之善報。

## 造橋修路。矜寡拔困。重粟惜福。排難解紛。

要建造橋樑，整修道路，以便利人物之通行。矜恤無夫之寡婦，要成

就她一生的貞節。拔除他人之困苦，要給與他們的安樂。要爲自己珍重米粟，不輕易拋棄以惜福。要替人家排除患難，並調解糾紛以息事。

## 捐資成美。垂訓教人。冤讎解釋。斗秤公平。

要常捐助資財，以成就他人的好事。垂示訓誡，以教人改惡行善。如有冤讐，急應解釋，以化讐爲恩。所用斗秤，要買賣公平，出入一樣。

## 親近有德。遠避凶人。隱惡揚善。利物救民。

要親近有道德之善人，以求近善卽善，要遠避作惡事之凶人，以免近惡卽惡。要隱蔽惡人之惡，使改惡遷善，要宣揚善人之善，使益進於善。做事要利益普及人物，以積德修福；爲官要救護一切人民，使民安國泰。

## 回心向道。改過自新。滿腔仁慈。惡念不存。一切善事。信

心奉行。人雖不見。神已早聞。加福增壽。添子益孫。災消病滅。禍患不侵。人物咸寧。吉星照臨。

只要你能回心轉意，趨向正道，改悔以前的過惡，自己重新做人，使滿腔都是仁心慈善，惡念一點也不存在，對於前說一切善事，都有信心，竭力奉行。人雖沒有看見，神明早已見聞，即爲加福加壽，添子添孫，災難全消，疾病減少，一切禍患，皆不相侵，人物都得安寧，吉星常自照臨。這是帝君教人改惡行善，就能得到這樣的福報，望共遵行！

**若存惡心。不行善事。淫人妻女。破人婚姻。壞人名節。**

以下是帝君教人諸惡莫作的細目。倘若常存惡心，不做善事，萬惡淫爲首，姦淫他人之妻女，破壞他人之婚姻，毀壞他人之名譽和節操，這是

諸惡之首，必生遭惡報，死墮地獄，永受極苦，望共嚴戒！

妒人技能。謀人財產。唆人爭訟。損人利己。肥家潤身。

若妒忌別人之技能，謀佔別人之財產，唆使別人鬭爭訴訟，從中漁利，以損害別人，圖利自己，肥、是豐富的利益，而豐富其家，潤澤其身。

恨天怨地。罵雨呵風。謗聖毀賢。滅像欺神。

禍福風雨，皆天神地祇的職掌，或災禍偶降，或風雨失時，皆由人之惡業所召，不自懺悔，改惡行善，禱告天地神祇，以求禍滅福臻，風調雨順，竟敢恨天怨地，罵雨呵風，呵是大聲怒罵，徒增逆天之罪。或誹謗先聖，詆毀先賢，或毀滅神像，欺侮神祇。此皆罪大惡極，必遭惡報。

宰殺牛犬。穢溺字紙。恃勢辱善。倚富壓貧。離人骨肉。間



## 人兄弟。

牛爲耕田，犬爲守夜，都有功於人，自應戒殺。或爲賣錢，或貪口腹，若宰殺牛犬豬羊等動物，必墮地獄畜生等惡道，以償互殺互食之惡報。文字有功於人甚大，字紙雖已作廢，自應敬惜，若用以拭抹污穢便溺，褻瀆之罪甚大。或恃權勢，侮辱善良，或倚富豪，壓迫貧困。父子親如骨肉，兄弟情同手足，若被挑撥離間，使人父子不和，兄弟相爭，滅盡天倫。

**不信正道。姦盜邪淫。好尙奢詐。不重勤儉。輕棄五穀。不報有恩。瞞心昧己。大斗小秤。**

姦盜、是姦宄盜賊，姦宄、是盜賊的通稱，盜賊從內起的叫姦，從外起的叫宄。邪淫、指非正式夫妻的姦淫，淫惡最大，蒙再提示。甚至不相

信正當之道理或途徑，或爲姦宄盜賊，搶奪財物，或縱慾邪淫，害人害己。或好尚奢侈狡詐，不注重勤勞節儉。或輕易拋棄五穀，暴殄天物。或不報答有恩之人，忘恩負義。或瞞心昧己，背着自己的良心，去做喪天害理的惡事。或私用大斗小秤，多入少出，重入輕出，貪取暴利。此皆大惡。

**假立邪教。引誘愚人。詭說昇天。斂物行淫。明瞞暗騙。橫言曲語。白日咒詛。背地謀害。**

邪教、是不正當的宗教。詭卽欺詐。甚至假借外道，倡立邪教，爲引誘愚蠢之人，信奉邪教，竟敢欺詐的詭說：信他的教，可以超昇天堂，藉以聚斂財物，私行姦淫。既已明被隱瞞，而又暗行欺騙。對不信他邪教之人，或蠻橫大言，或委曲細語，或白日咒詛，請求鬼神加禍於人，或背地謀害，暗中設計害人。使盡利誘威脅，不達到使人信奉的目的不止。

不存天理。不順人心。不信報應。引人作惡。不修片善。行諸惡事。

他們作事既不存天理，出言又不順人心，不相信因果報應，竟敢引誘愚人，皆共作惡，不修行半點小善，惟廣行許多惡事。此一盲引衆盲，相牽入火坑，雖能詭騙政府人民，難逃神明監察，必遭惡報，還能昇天嗎？

官詞口舌。水火盜賊。惡毒瘟疫。生敗產蠢。殺身亡家。男盜女淫。近報在身。遠報子孫。神明鑒察。毫髮不紊。

所作惡事，既有大小不同，所得惡報，自有分別。或遭官詞訴訟，口舌是非等橫禍，或遭水火盜賊等災難，惡毒瘟疫等疾病，或生敗家之子，或產愚蠢之孫，或身遭殺戮，家即滅亡，或男爲盜匪，女爲淫娼，近報就

在自身，遠報就在子孫。這是現報，後報必墮畜生、餓鬼、地獄等三惡道。都有神明鑒察，依照所造惡業，令隨業受報，一點也不紊亂。這是帝君明示：如作以上諸惡，或受騙盲從，必遭到這樣的惡報，望共切戒！

**善惡兩途。禍福攸分。行善福報。作惡禍臨。我作斯語。願人奉行。言雖淺近。大益身心。戲侮吾言。斬首分形。**

這是帝君大慈大悲，教人諸惡莫作，衆善奉行的總結。我吾、都是帝君自稱，攸卽所，侮是輕視，卽侮慢。帝君說：善惡兩途，禍福所分，善惡是因，禍福是果，行善的、卽得到福壽的善報，作惡的、卽得到災禍的降臨。我說的這些話，普願天下之人，皆能信受奉行，話雖淺近，大有益於人的身心。倘有戲弄或輕視我說的這本覺世真經，不肯持誦奉行的人，卽斬掉他的頭，分裂他的身，殺一警百，使皆敬畏奉行，轉禍爲福。

有能持誦。消凶聚慶。求子得子。求壽得壽。富貴功名。皆能有成。凡有所祈。如意而獲。萬禍雪消。千祥雲集。

只有能够虔誠持誦這覺世真經，信受奉行的人，即得消滅凶災，聚集吉慶，求子得子，求壽得壽，富貴功名，皆能有求必成，此外凡有所祈求之事，皆能如願以償。萬般災禍，皆像雪一樣的消滅，千種吉祥，皆像雲一樣的聚集。倘有能印送這覺世真經，普勸奉行之人，更能有求必應。

諸如此福。惟善可致。吾本無私。惟佑善人。衆善奉行。毋怠厥志。

帝君說：許多這樣的福報，只有行善可以招致，我本公明正直，毫無私心，只保佑善人，親賜福壽，願皆衆善奉行，不要怠惰你們行善的志願。

，是爲至要！帝君只明示善惡的現報，使皆自作自受，或眼見耳聞，知所喜懼，不敢作惡召禍，惟喜行善召福。只要我們誦經行善，就是善人，卽蒙垂佑，禍滅福臻。惟來生福報越大，作惡越易，墮落也越快，願皆趁此蒙佑享福之時，卽發深信切願，改惡行善，隨緣消舊業，更不造新殃，常一心專念南無阿彌陀佛萬德洪名，兼念觀世音菩薩聖號，求生西方，臨命終時，決定帶業往生極樂世界，見佛聞法，離苦得樂，了脫生死輪迴，圓成無上佛道，因善人心與佛合，故感佛慈攝受接引，望勿失此良機爲盼！

覺世眞經讚

關聖帝君	至聖至靈	聖經親降	覺世救民	善惡明示	禍福攸分
行善福報	作惡禍臨	諸惡莫作	衆善奉行	加福增壽	添子益孫
印送持誦	禍滅福臻	若更念佛	極樂同生		

關聖帝君覺世眞經淺解終

孚佑帝君心經

呂祖曰。

天生萬物。惟人最靈。非人能靈。實心是靈。心爲主宰。一身之君。役使百骸。區處羣情。物無其物。形無其形。稟受於天。良知良能。氣拘欲蔽。日失其真。此心既失。此身亦傾。欲善其身。先治其心。治心如何。即心治心。

以老老心，治不孝心。

以長長心，治不悌心。

以委致心，治不忠心。

以誠恪心，治不信心。

以恭敬心，治無禮心。

以循理心，治無義心。

以清介心，治無廉心。  
以積德心，治爲惡心。  
以匡扶心，治傾陷心。  
以謙遜心，治傲慢心。  
以儉約心，治驕奢心。  
以坦易心，治危險心。  
以和平心，治忿恚心。  
以傷身心，治沉湎心。  
以果報心，治謀奪心。

以自愛心，治無恥心。  
以利濟心，治殘賊心。  
以仁慈心，治暴戾心。  
以損抑心，治盈滿心。  
以勤慎心，治怠忽心。  
以忠厚心，治刻薄心。  
以寬洪心，治褊窄心。  
以妻女心，治姦淫心。  
以禍患心，治鬪狠心。



以正教心，治異端心。以至信心，治大疑心。  
以悠久心，治無恆心。以始終心，治反覆心。  
以施與心，治慳吝心。以自然心，治勉強心。  
以安分心，治非望心。以順受心，治怨尤心。  
以推誠心，治猜忌心。以鎮定心，治搖惑心。  
以中正心，治偏袒心。以大體心，治細務心。  
嗟乎人心。不治不純。如彼亂絲。不理不清。如彼古鏡。不  
磨不明。如彼劣馬。不勒不馴。我故說經。欲治人心。人心  
得治。天地清寧。（經內我字敬讀聖字）

普為捐資印贈輾轉流通傳閱  
及普勸改惡行善者回向偈曰

願以此功德 消除宿現業

共增福慧壽 圓成勝善根

所有刀兵劫 水火及饑饉

疾病災難等 普願盡消滅

先亡皆超昇 現眷咸康樂

風雨常調順 人民悉安寧

國運永昌隆 世界普和平

法界諸眾生 同生極樂國

歡迎翻印 輾轉贈閱  
普勸行善 功德無量

公元二〇一三年十月 拱北殿住持 釋悟道 恭印壹萬冊

# 三聖經淺解 全一冊

纂述者：毛 惕 園

校對者：鄭 侶 梅

印贈者：拱北殿住持 釋悟道

地址：新北市汐止區汐萬路三段八十八號

電話：(〇二) 二 六 四 六 一 八 七 八

傳真：(〇二) 二 六 四 六 三 四 八 二

承印者：世樺國際股份有限公司

地址：新北市中和區中山路二段327巷11弄9號3樓

電話：(〇二) 二 二 四 六 九 九 二 八

傳真：(〇二) 二 二 四 〇 〇 九 七 四

